

# Wantok

Namba 503 — 21 Januəri, inap 28 Januəri, 1984

25t

## Wok I Go Het Yet



# Melanesian Alaiens Kisim Ples

Nupela gavman bilong Westen provins bai kamap long Fonde 19 Januəri na Malenesian Alaiens i gat strongpela sans long kamapim dispela gavman.

Benny Bogg

Nesenel Kodineta na ekting seketeri bilong Melanesian Alaiens Pati, Pedi Anis i tok long Tunde 17, "Melanesian Alaiens i gat 100 pesen sans long fomim dispela nupela gavman bilong Westen Provins. I gat 12-pela

kendidet bilong Melanesian Alaiens Pati i winim pinis sia insait long dispela 24 sia provinsal gavman."

Em i bilip olsem nupela primia bilong Westen Provins em bai Mista Gonene Kurokuro, wanpela strong-

pela lida bilong Melanesian Alaiens Pati. Em i tok Gonene em ismatpela man long toktok na soim promis olsem em bai kamap gutpela primia bilong provins.

Namel long ol kendidet husat i winim provinsal ileksen long Westen Provins, 5-pela bilong ol i independen kendidet, na 7-pela i bilong ol arapela politikel pati.

Long las provinsal ileksen, Pangu i bin fomim gavman bilong ol long Westen Provins, we Primia Tastie Olewale na namba tu bilong em i ranim dispela provinsal gavman. Sapos Melanesian Alaiens ikamapim gavman em bai nam-

ban provinsal gavman em Melanesian Alaiens i go pas long en.

Mista Anis i tok, Melanesian Alaiens i gat nem long Morobe Provinsal Gavman. Primia Utula Samana em i wanpela kendidet bilong Modipe Aso-siesen, (wanpela politikel pati long Morobe Provins) anit long Melanesian Alaiens Pati.

Long Mas, 1984, Melanesian Alaiens i redi long winim tu provinsal ileksen long Not Solomon Provins. Mista Anis i tok olsem, "Mi bilip mipela gat planti gutpela kendidet i redi long resis egens Primia Leo Hannet long dispela ileksen. Mi save olsem bai mipela win tu."



(Antap) Wok i go het yet long Ok Ningi Tasol gavman i mas givim tokorait pastaim bipo long kampani i ken yusim. Dispela poto i soim ples we ol bai wokim dispela bikpela banis. (Daunbilo) Dispela poto i soim wok long Ok Mani. Longpela bilong dispela draipela hul em 1,100 mita.

Poto — Stephen Madana

## 1984. Provinsal Ileksen

ILEKSEN:- MOROBE

Taim Bilong Givimaut Vot Pepa - Trinde, 12 Epril, 1984

Taim Bilong Nominesen i Pinis - Fraide, 27 Epril, 1984

Taim Bilong Vot i Stat - Sarere, 19 Me, 1984

Taim Bilong Vot i Pinis - Sarere, 9 Jun, 1984


Taim Bilong Kisim Bek Vot Pepa - Tunde, 19 Jun, 1984

i go moa long pes 3

### Long Ol Arapela Pes

- 1984 Provinsal Ileksen pes 3
- Ret Kros I No Salim Planti Tiket pes 2
- Ol Moge Laik Lukim Pop pes 2
- 4 Pela Bebi Long Wan Raun pes 7
- Spot 4-Pela pes
- Komiti Painimaut Long Asua pes 3
- COES 4-pela pes
- Singel Boi No Moa pes 8
- Ol Pas pes 4, 16 na 17

### 84 Ats Festival



Lukim, Stori Long pes 6

### Redi Long Papua Taitel



Ol boksa i traım bun pes 11

DU  
740  
72  
33  
11503

# Karava Hatim Oposisen

Primia bilong Galp Provins, Sepoe Karava i tokim ol oposisen memba bilong gavman bilong em long no ken komplek tumas olsem ol 'lapun meri' na mekim wok long helpim ol pipel bilong provins.

Mista Karava i wok long mekim strongpela toktok ya bihain long provinsal oposisen i tok long 1983 gavman bilong em i bin paulim samting olsem K1.8 million i kam long nesanel gavman.

Mista Karava i tokim oposisen olsem gavman bilong em i gat olgeta ripot bilong mani em ol i bin yusim insait long 1983.

Em i tok "Sapos husat man i bilip strong olsem gavman bilong mi i no bin yusim gut mani long 1983, ol i mas soim mi na gavman bilong mi dispela rot em mipela i bin paulim mani long en. Ol i mas tokaut tu olsem wanem mipela i bin spenim dispela K1.8 million".

Primia bilong Gulp Provins i tok olsem, gavman bilong em i redi pinis long givim bikipela ripot bilong wanem samting ol i bin mekim — na i no mekim long 1983. Em i tok ol bai kamapim dispela ripot bilong 1983 gavman long narapela provinsal asembli kibung bilong ol.



Sepoe Karava

Primia Karava i tok, Sapos oposisen gavman bilong Gulp Provinsal Gavman i laik mekim ol toktok olsem egensim gavman, ol mas tokaut tu long wanem kain ol nupela rot em ol i laikim gavman i mas bihainim.

Em i tok, provins bilong em i no inap go het wantaim kain kain toktok egensim gavman sapos oposisen i no soim nupela na gutpela rot bilogn gavman long bihainim. Sapos oposisen pati i no wok gut wantaim gavman, dispela kain pasin bai soim olsem ol i stap long paw logn giamanim ol pipel tasol.

# Enga Provinsal Ileksen Kam Klostu

Enga Provinsal ileksen i kam klostu na olgeta pipel i sambai long lukim ol kendidet i resis.

Tasol Primia, Mista Danley Tindiwi i gat wari. Long wanem em i bin kamap long Wabag Distrik Kot long Trinde, 11 Januери, 1984.

Plis i bin holim pasim Mista Tindiwi na sasim em long paulim samting olsem K3,284,40 (3 tausen 2 handet na 81 kina na 40 toea). Plis i tok em i bin paulim dispela mani namel long 31 Desemba, 1981 na 31 Desemba, 1983.

Wabag Distrik Kot i harim dispela kot bilong Tindiwi na i skruim de bilong kot i go gen long Trinde, 25 Januери, 1984.

Kot i luksave long em na i larim em i go stap ausait na sambai long kamap long kot gen.

Wanpela mausman long opis bilong Primia Tindiwi i tokaut long Fraide, 13 Januери, 1984 olsem ol birua i tingting long bagarapim nem bilong Primia tasol. Ol i pilai kain kain resis bilong wok politik na kotim em long Plis. Em i tok ol dispela birua i laik bagarapim nem bilong Tindiwi long ai bilong

ol pipel insait long Enga Provins.

Dispela mausman long opis bilong Primia Tindiwi i tokaut tu long ol de bilong mekim Enga Provinsal Ileksen. Hia em ol de em i tokaut long en: De bilong givimaut vot pepa - Trinde, 28 Mas, 1984

Taim bilong nominen i pinis - Fraide, 13 Epril, 1984

Taim bilong vot i stat - Sarere, 5 Me, 1984

Taim bilong vot i pinis - Sarere, 26 Me, 1984

Taim bilong kisim bek vot pepa - Tunde, 4 Jun, 1984.

Ekting Komisina bilong Iektoral Komisin Hetkota long Mosbi, Mista Reuben Kaiulo i bin tok orait tu long dispela ol taim.

Dispela mausman long opis bilong Primia Tindiwi i tok olsem planti kendidet husat i laik sanap i no tok klia yet long tingting bilong ol. I no gat meknais bilong kempen i kamap long ol biktaun. Tasol em i bilip olsem sampela kendidet long ol rural eria isave pinis na ol i statim kempen pinis. Ol i hait tasol na toktok i go i kam long wan wan hauslain bilong ol yet.

Bikipela resis bilong Enga Provinsal Ileksen bai kamap namel long ol kendidet bilong Nesanel Pati, Yunaitet Pati, Pangu Pati na PPP. Primia Tindiwi i memba bilong Nesanel Pati na ol birua husat i traun long daunim nem bilong em i bilong Yunaitet Pati. Dispela mausman bilong em i bin tokaut long dispela samting tu. Tasol em i no tok klia long wan wan pati bilong ol memba na minista insait long Enga Provinsal Gavman nau.

Mausman bilong Tindiwi i tokaut tu olsem planti manmeri insait long Enga Provins i klia pinis long taim bilong ileksen. Na planti bilong ol dispela pipel i sambai long harim kot bilong Primia bilong ol. Primia Tindiwi i no tokaut long wanem rot em bai mekim long taim bilong ileksen. Tasol ol kain bekim i kamap long Wabag Distrik Kot long 25 Januери, 1984 i ken helpim o bagarapim resis bilong em insait long provinsal ileksen.

# Planti Tiket I Stap Yet



I nogat planti pipel i baim tiket bilong dispela K60,000 haus.

Nogat planti pipel i baim ol tiket em Ret Kros i salim long winim wanpela haus long Mosbi. Dispela resis ol i kolim Winim Haus i bin op long mun Oktoba las yia.

Pauline Laki

Ret Kros i bin prinim 70,000 singel tiket na 7,000 tiket buk, (i gat 10-pela tiket long wanpela buk). Tasol i kam inap nau nogat planti pipel i baim ol dispela tiket.

Kos bilong dispela haus em Ret Kros i laik salim inap long K60,000.

General Seketeri bilong PNG Ret Kros, Ms Jean Jelke i bin tokim Wantok Niuspepa olsem bikipela as tru em long num Oktoba inap long pinis long Januери, planti pipel i lusim bikipela mani long krismas ol gutpela samting i

kamap long dispela taim.

Em i tok no gat planti pipel i save tingting long baim ol tiket long ol kain resis olsem laki tiket long krismas tain. Na dispela em i bikipela hevi tru long wok long salim ol tiket.

Ms Jelke i tok em i no bin kisim ripot yet long ol 12-pela Provins em ol i bin tilim ol tiket i go aut long salim. Tasol em i tok em i gat save olsem i gat moa tiket i stap nating tu long ol dispela provins.

Ms Jelke i tok olsem nau long Mosbi ol pipel i stat long baim ol tiket long ol strit nabaut we Ret Kros i salim ol.

Long pinis bilong dispela mun Januери bai Ms jelke i kisim ripot long hamas tiket na hamas buk i stap yet na ol dispela tiket na buk ol i salim pinis.

Dispela K60,000 "Win Haus" bikipela prais bilong dispela resis nau i stap long Tokarara. Na husat i win long tiket i stap long buk bai i gat K10,500 prais. Na dispela prais em wanpela Mitsubishi Cordia ka.

Kos bilong wanpela buk tiket em K20. Na

ol wan wan tiket kos K2. Ol lain bilong salim ol tiket tu i gat prais bilong ol yet. Bai ol i kisim fris holidie insait long PNG.

Long 25, februери, bai Ret Kros i pinisim olgeta wok bilong salim ol tiket. Na bai ol i tok aut long nem bilong ol pipel i winim prais long 10; Mas dispela yia.

# Ol Moge laik Lukim Pop John

Ol pipel bilong Moge wanpisin long Hagen long Westen Hailand Provins i amamas tru nau olsem Pop John Paul 2 i lukim pas bilong ol na nau em i kam long PNG long lukim ol stret.

Benny Bogg

Ol Moge wanpisin i gat bikipela laik tru long lukim Pop John Paul 2, olsem na long 20 Desemba 1980, ol i bin salim wanpela pas wantaim bikipela spia bilong ol tumbuna bilong ol long pait i go long em.

Mausman bilong Moge wanpisin, Mista Andrew, husat em Westen Hailans Provinsal Helt Minsita i tok long 17 Januери olsem, ol pipel i no inap amamas sapos Pop i no kamap long Hagen taun.

Em i tok, "Pop John Paul 2 i mas kam tru long Hagen taun, bikos raun bilong em long PNG em i kamap long askim bilong ol pipel bilong Moge wanpisin stret. Mi yet wantaim ol pipel bilong mi i bin givim pas na spia i go

long em. Pater bilong mipela, Michael Meier i kisim ol dispela samting i go long Rom long 1980 na i bin tokim em long singaut bilong mipela."

Mista Andrew Dokta i tok olsem, ol pipel bilong Moge wanpisin i wari tru taim ol i harim olsem Pop bai kamap long Mosbi tasol inap tupela de na go bek.

"Mipela i harim tu olsem em bai go long Rabaul bipo long em i go long Rom. Mipela i laik singaut strong olsem em mas kam long Westen Hailand Provins, bikos em i senta provins long hailans rijon."

Em i tok olsem, long Westen Hailans Stret, moa long 86 tausen katolik pipel i wetim wokabaut bilong Pop long provins, na long ol arapela Hailans provins, i gat moa long 200 tausen katolik pipel i redi long lukim em tu.

Mista Dokta i tok, "Olsem na long makim maus bilong olgeta dispela Katolik long Hailans provins na ol Moge pipel husat i bin askim Pop long 1980 long kam long PNG, mi laik singaut long praim Minista Somare na namba tu bilong em Wingti long redim wokabaut bilong Pop long Hagen inap olsem 4 o 5 aua long taim em i kamap long PNG."

# TAMBU TORO



# Kapi Go Pas Long Wok

Namba tu Seif Jastis Mari Kapi bai go pas long wanpela komiti husat bai mekim wok painimaut long toktok bilong Sir Pita Lus na Mista Boyamo Sali.

Dispela komiti bai

wok long painimaut sapos tru-tupela minista i mekim ol sem pasin o nogat.

Praim Minista Michael Somare i tok save long dispela komiti, taim em i stap yet long Wewak long Januəri 13. Em i tok, dispela komiti bai lukluk long ripot bilong plis long

tupela minista long 1975 na 1976.

Komiti bai traime long painim aut sapos sampela man o lain man i bin traime long stapim mekim wok bilong ol plisman i hat, long taim ol plis i sasim tupela minista ya.

Mista Somare i tok, komiti ya bai lukluk

gut tu long ol toktok bilong tupela minista, em Mista Boin Merire, Helt Minista bilong Morobe Provins i bin mekim. Mista Somare i tok, Mista Merire mas kamapim olgeta samting i tru long toktok bilong dispela tupela minista long dispela komiti.

Mista Somare i tok, dispela tupela minista nau bai stap olsem memba nating. Em bai rausim wok minista bilong ol, inap long taim dispela komiti i mekim wok bilong en.

Mista Kevin Osborne bilong Jastis Dipatmen em i seketeri bilong dispela komiti.

# Oposisen Amamas Long Komiti

Opis bilong oposisen bilong nesanel gavman i tok save olsem ol i amamas long dispela komiti long mekim wok painimaut. Oli tok ol i gat bilip long Deputi Jastis Mari Kapi long go pas long dispela komiti.

Lida bilong opos-

isen, Iambakey Okuk i tok aut olsem pablik i laik save long wanem ol samting em komiti bilong Jastis Mari Kapi i painim aut long dispela bikpela wari. Olsem na opis bilong em i givim sampela askim, em ol i tok, bai helpim dispela komiti

long wok bilong ol.

Hia em ol dispela askim

1. Sapos plis i kisim komplek i go egens long tupela minista.
2. Sapos wanpela man insait long gavman long dispela taim i stapim, o mekim ol plis

i no sasim tupela minista.

3. Sapos bekim bilong askim namba tu em yes -, wanem man tru i mekim olsem.

4. Bilong wanem seketeri bilong Lo long dispela taim i kam insait long dispela wari na givim helpim.

5. Long dispela taim, Praim Minista i save long ol dispela sas na rong.

6. Wanem samting dispela komiti i painimaut i mas kamap pablik, bikos pablik i save na bihainim tu dispela wari.

# PNG Senta Bilong Konsen Kirap Long Mosbi

Liklik kibung bilong 12-pela manmeri i bin kamap long Waigani long Fraide, 13 Januəri, 1984. I gat 10-pela man na tupela meri i stap insait long dispela kibung. Oli bung na kirapim nupela PNG Senta bilong Konsen.

Kodineta bilong dispela senta, Misis Louise Aitsi i go pas long dispela bung. Oli kibung na putim kamap sampela lo we dispela senta bai wok aninit long en.

Astingting bilong dispela senta i bilong helpim sindaun bilong ol pipel insait long wan komuniti ol i stap long en insait long PNG. Wanpela save-man bilong lo husat bai kamap strongpela memba bilong dispela senta em i Mista Bernard Narokobi. Em bai wok klostu wan-



Ol laim komiti bilong Senta fo Konsen

taim dispela arapela 11-pela memba na

mekim wok bilong PNG Senta bilong

Konsen i kamap bikpela insait long Mosbi

na long arapela hap bilong PNG.

# Balus I Pundaun- 10-pela Manmeri Dai.

Wanpela mama, tupela pikinini, 5-pela pablik sevan na tupela arapela man i bin dai taim liklik "Islander" balus bilong Talair kampani i bin pundaun namel long ol maunten bilong Simbu Provins long Januəri 13.

Meri husat i dai em Misis C. Maina wantaim tupela pikinini bilong em. Ol arapela man em pailot, Bob Davie, 37 kris-mas bilong Nu Silan, 5-pela pablik sevan, James Kawal, 26 bilong Bomai, Simbu

Provins, Geri Tilige, 23 bilong Bomai, Maima Koane, 40 bilong Guo, Awi Diberi, 24 bilong Taravakul. Olgeta i bilong Simbu Provins na ol save wok long Provinsal Afeas Divisen.

Long wanpela ripot bilong plis, ol arapela tupela man em W. Moses bilong Wes Sepik husat i save wok long Helt Dipatmen, na John Dua Kaupa, wanpela politisen.

Dispela balus i bin pundaun olsem 25 kilomita longwe long Kundiawa, taim em i

kisim ol dispela pasindia long wanpela gavman sata, namel long Kundiawa na Karimui.

Tripela man bilong Civil Eviesen Ejensi (CAA) i mekim wok nau long painim aut olsem wanem tru dispela balus i bin pundaun. Ol i statim pinis wok bilong ol long painimaut. Tripela man ya i stat long Madang, we dispela pailot bilong Talair, Bob Davie i save stap long en.

Provinsal Afeas Minista na rijonal

memba bilong Simbu John Nilkare wantaim memba bilong Suave, Robert Yabara i salim tok sori bilong ol i go long famili bilong ol dispela lain manmeri husat i bin dai long dispela birua.

Ol i tok, em i bikpela wari tru olsem planti ol yangpela manmeri i dai long dispela birua. Ol i singaut long Talair na ol arapela liklik balus kampani long lukluk gut long wari bilong ol balus i wok long pundaun.

## Autim Wanpela Yau

Wanpela meri i bin katim yau bilong narapela long taim tupela i bin pait long man bilong ol. Meri husat i lusim yau bilong em, em Salen Adale bilong Yamandi Viles, Enga Provins.

Salen i bin kros wantaim man bilong em na arapela meri ya taim meri ya, Periso Adale, bilong wankain ples tasol, i helpim man bilong tupela na katim yau bilong em. Plis i holim dispela namba tu meri na sasim em long dispela rong em i bin mekim.

## Noken Bagarapim Nem Nating —Dokta Ngahan

Jeneral Haus Sik long Madang i gat planti hevi tasol bagarap. Nogat wanpela lida long provins i tingting long helpim wok long haus sik.

Benny Bogg

Medikel Supaintenden bilong Madang Jeneral Haus Sik, Julius M Ngahan i mekim dispela tok taim em i bekim pas na toktok bilong ol kaunsila i lukautim Madang Taun.

Long namba 163 kibung bilong Madang Taun Kaunsil, ol kaunsila i bin raitim wanpela pas i go long ol hetman bilong Madang Jeneral Haus Sik olsem ol dokta long dispela haus sik i mas wok gut. Leta bilong ol i tokaut olsem planti pipel long Madang taun yet i save autim wari long ol kaunsila olsem planti dokta i no save mekim gut wok bilong lukautim ol sikman long haus sik.

Long dispela kibung bilong ol kaunsila tu, i gat tingting bilong givim bek haus sik i go long han bilong ol misin. Na ol kaunsila i laik bai wanpela komiti i lukluk nau long wari na wok bilong ol dokta long dispela jeneral haus sik.

Medikel Supaintenden bilong Madang Haus Sik, Julius Ngahan i bin tok long pas bilong em long 29 Desemba 1983, "Mi laik tok save long yupela (ol Kaunsila) olsem mi kirap nogut na i no amamas long dispela ol toktok bilong haus sik em yupela i mekim, long leta bilong yupela long 9 Desemba 1983."

"Mi no save husat tru i gat wari long wok bilong ranim gut Madang Jeneral Haus Sik. Mi bilip olsem tok bilong yupela long wok bilong ranim haus sik em i bikpela samting na mi bai amamas tru sapos yupela inap tok stret long mi long wanem rot mipela i no bihainim gut long ranim Madang Jeneral Haus Sik."

Dokta Ngahan i tok ol tu i gat wari olsem sampela wok bilong haus sik i no ran gut. Tasol long olgeta kain kain wok, sampela samting i no save wok stret tu.

Na em i askim ol kaunsila long tokaut stret long em long wanem samting tru i rong long Madang haus sik.

Dokta Ngahan i tok olsem, ol kaunsila husat i autim dispela wari bilong haus sik i mas makim stret wanem kain hevi i rong long haus sik, na ol wokman bilong em inap long stretim bipo long planti manmeri moa i dai.

Dokta Ngahan i tok, "Mi bin singaut long pablik long givim blut taim blut i sot tupela wik i go pinis (Desemba, 1983) tasol nogat wanpela kaunsila o memba bilong palamen i bin kamap. Olsem na mi kisim blut bilong ol dokta na sista wantaim nes long haus sik long helpim ol manmeri husat i nogat blut tru long dispela taim."

"Ol haphap bilong ol haus long haus sik i bagarap na pundaun nabaut nau, na ol man nogut na ol stilman long mekim nabaut long ol wokman bilong mi na ol sik manmeri i kampa bikpela tru nau. Ol spakman tu i save bagarapim sindaun bilong mipela. Madang Taun Kaunsil bai mekim wanem long dispela samting?"

Dokta Ngahan i askim nau ol kaunsila long stretim wari bilong haus sik o painim aut wanem samting tru i rong. Em i laik save wanem klia olsem mi no rong na nem bilong mi i no ken bagarap."

i go moa long pes 1

### WESTEN HAILANS

Fraide, 20 Epril, 1984  
Mande, 7 Me, 1984  
Sarere, 2 Jun, 1984  
Sarere, 23 Jun, 1984  
Tunde, 3 Julai, 1984

### WES NU BRITEN

Fonde, 26 Epril, 1984  
Fraide, 11 Me, 1984  
Sarere, 2 Jun, 1984  
Sarere, 23 Jun, 1984  
Tunde, 3 Julai, 1984

### NOT SOLOMONS

Trinde, 10 Me, 1984  
Fraide, 25 Me, 1984  
Sarere, 16 Jun, 1984  
Sarere, 7 Julai, 1984  
Sarere, 14 Julai, 1984

### WES SEPIK

Fraide, 19 Oktoba, 1984  
Mande, 5 Novemba, 1984  
Sarere, 24 Novemba, 1984  
Sarere, 15 Desemba, 1984  
Mande, 24 Desemba, 1984

### MADANG

Mande, 22 Oktoba, 1984  
Fraide 9 Novemba, 1984  
Sarere, 1 Desemba, 1984  
Sarere, 22 Desemba, 1984  
Fonde, 27 Desemba, 1984.



# Meet the New Morobeen Cream Family



**Morobeen**

**THE GREAT LITTLE FOUR  
PACK – VALUE TO BUY  
AND GREAT TO EAT**



# PNG Redi Long Saut Pasifik Festival ov Ats.



Dispela ol lain i no pait tru. Em ol lain bilong Niue i mekim wanpela woa danis bilong ol.

**Namba 4 Saut Pasifik Festival Ov Ats** bai kamap long Naumea. Nu Kaledonia long Desemba 8 na pinis long Desemba 22, 1984.

**Papua Niugini i stat mekim redi wok bilong salim ol grup bilong makim kantri long pinis bilong las yia, 1983 yet.**

Siaman bilong Saut Pasifik Festival Ov Ats (SPFA) Oganaising Komiti Mista Bart Philemon i tok olsem 4-pela tieta grup long PNG bai makim kantri long Nu Kaledonia, wantaim sampela saveman bilong wokim ol samting olsem kanu, bilum, graun sospen, malo na purpur na ol kaving nabaut.

## Benny Bogg

Nesenel Gavman i givim tasol K98 tausen long Nesenel Kalsa Kaunsil (NCC) insait long nesenel baset bilong 1984. Dispela mani em bilong namba 4 SPFA. Tasol sapos NCC i mekim bikipela ripot bilong 1980 (namba 3 SPFA) na givim i go long gavman, bai gavman i redi long givim ol sampela moa mani.

NCC i no givim yet dispela ripot long nesenel gavman na ol i wet yet.

Siaman bilong SPFA Oganaising Komiti, Mista Bart Philemon i tok olsem, NCC i redim pinis fainansal ripot bilong 1980 SPFA em i bin kamap long PNG. "Na mi bilip olsem bikipela ripot bilong 1980 SPFA bai pinis long dispela yia yet."

Mista Philemon i tok nau NCC i gat K200, tausen em K98 tausen bilong nesenel gavman i stap insait long en. Tasol em i tok dispela i no inap yet. Olsem na bihain long tripela mun, bai Oganaising Komiti bilong SPFA long Mosbi i holim ol kain pilai, na painim sampela arapela rot bilong kisim moa mani bilong helpim ol tieta grup long go long Nu Kaledonia.

Dispela 4-pela tieta grup em SPFA Oganaising Komiti i makim pinis em: Raun Raun Tieta Kampani wantaim Nesenel Tieta Kampani (Nesenel Gavman i ranim na lukautim ol) na Dua Dua Tieta Kampani bilong Lae (Aninit long Morobe Provinsal Gavman) na Raun Isi Travel Tieta Kampani (Aninit long Is Sepik

Provinsal Gavman) long Wewak.

Mista Philemon i tok, "Mipela inap kisim ol viles grup tu, tasol i gat planti tumas. Nogut mipela i makim wan wan bilong ol na sampela i kamapim planti tok kros o wari.

Dispela yia, NCC i tingting long salim 100 manmeri tasol long Nu Kaledonia. Bai gat tu ol kaving na bilas na ol kain kain tumbuna samting em NCC i redim long bringim i go long bikipela haus tumbuna long Nu Kaledonia olsem mak bilong PNG long namba 4 SPFA.

Ol dispela 4-pela tieta grup i wok nau long lainim ol tumbuna singsing na stori tumbuna em ol i mekim kamap olsem pilai bilong ol manmeri long lukim. Ol bikmanmeri bilong ples i lainim nau ol yangpela manki long ol dispela tieta kampani long ol singsing. Taim ol i go long Nu Kaledonia, ol tieta grup bai putim kamap

ol singsing tumbuna bilong PNG long san na ol pilai long nait.

Mista Bart Philemon i tok bihain long tripela mun samting bai Oganaising Komiti bilong SPFA i mekim ol tok save na kamapim kain kain pilai bilong pulim mani.

Nau yet, long Nu Kaledonia, Oganaising Komiti bilong ol i mekim bikipela wok long tok save long namba 4 SPFA em bai kamap long kantri bilong ol. Ol i redim pinis wanpela singsing bilong makim dispela SPFA long kantri bilong ol.

Mista Philemon i tok olsem, kos bilong salim ol dispela 100 manmeri long PNG i go daun long Nu Kaledonia em K200,000 long transport tasol. Long dispela taim nau, ol 4-pela tieta grup i redi long holim ol pilai na singsing long pulim sampela mani, olsem moa long K10 tausen long helpim NCC na SPFA Oganaising Komiti long wok bilong SPFA.



Planti ol pipel bilong PNG i tingim yet ol dispela meri Thaiti husat i bin kam long namba 3 Saut Pasifik Festival ov Ats.

## Program bilong Ol Tieta

**Raun Raun Tieta i kisim tripela pilai bilong John Kasaipwalova na ol i putim kamap olsem pilai bilong pasi tumbuna long PNG.**

Ol i redi long bringim ol dispela pilai i go long Nu Kaledonia. Ol dispela pilai em "Sail The Midnight Sun," "My Tide Let Me Ride" na "Dance Of The Snail". Tumbuna singsing ol i makim em, "Sia" bilong Siassi, Singsing bilong Kiwai, na tupela arapela ol i no redim yet.

Dairekta bilong Raun Raun Tieta, Mista Saio Avesa i tok olsem, ol i gat bikipela taim tru inap Desemba 1984 long save gut long olgeta pilai na singsing tumbuna bilong ol. Em i tok Raun Raun Tieta i makim pinis olsem 30 manmeri long grup bilong ol long go daun long Nu Kaledonia.

Dua Dua grup i gat pilai ol i kolim "Boy From The Sea" na i gat singsing bilong dispela pilai.

Longpela bilong dispela pilai em 2 aua olgeta. Dispela pilai em i bilong Madang Provins. Ol i lainim nau singsing tumbuna bilong Morobe provins, Madang, Sepik na Bogainvil. Ol i redim wanpela ben konset olsem ol pilai em Sanguma Ben i save mekim long bringim i go long Nu Kaledonia.

Senia memba bilong Dua Dua grup, Mista Sam Sommy i tok olsem, i gat 25 memba long grup bilong em husat i redi long go long namba 4 SPFA. I gat 5-pela meri long dispela grup. Em i tok, Morobe Provinsal Gavman i helpim ol pinis long K65 tausen, na ol yet i tingting long kamapim

arapela K10 tausen long bihaintaim.

Raun Isi Travel Tieta i gat wanpela nupela pilai em ol i kolim "Wabag". Dispela pilai i lukluk long tumbuna stori bilong ol pipel bilong Murik Lek. "Wabag" i soim olsem tur namba wan man i kamap long Murik Lek eria.

Dairekta bilong Raun Isi Travel Tieta, Mista Nick Gioni i tok, "Mipela i gat tupela nupela tumbuna singsing wantaim mambu na garamut em mipela kisim long Timbunke, na Porapora long Is Sepik.

Winmambu bilong Porapora em i nupela samting tru na planti man bilong PNG yet i no bin lukim o save long dispela winmambu na ol singsing bilong en."

Mista Gioni i tok 20 manmeri insait long tieta grup bilong em i redi long go long Nu Kaledonia. Ol i tingting tu long kamapim kain kain pilai long winim samting olsem K10 tausen bilong helpim SPFA Oganaising Komiti.

Sampela bilong ol memba kantri husat bai kamap long dispela namba 4 SPFA long Nu Kaledonia em: American Samoa, Australia, Chile, Cook Ailan, Fiji, France, Frans Polinesia, Guam, Hawaii, Kiribati, Marshall Ailan, Nauru, Niue, Mariana Ailan, Tuvalu, Vanuatu, Wallis, Futuna, PNG, na sampela arapela moa.

Namba wan tingting bilong Kamapim Saut Pasifik Festival ov Ats em long strongim pasin tumbuna bilong ol kantri long Saut Pasifik. Na tu long soim ol arapela kantri long kain pasin tumbuna na bringim ol kantri long Pasifik i kam bung na wok wantaim.



Wantok ya bilong Nu Kaledonia i hatim i stap. Namba 4 Saut Pasifik Festival ov Ats bai kamap long Nu Kaledonia long mun Desemba.




Ol meri Tonga i soim sampela singsing bilong ples bilong ol.




Ol asples Australia i mekim wanpela singsing tumbuna bilong ol.

# Foapela Bebi Long Wan Raun



Sam em i namba wan



Ben i namba tu

## Wanpela mama long Melbon Autsralia em i fes meri long wol long karim 4-pela test tube bebi.

Meri ya em Misis Helen Muir husat i gat 31 krismas. Olgeta pikinini ya i man na ol dokta long Royal Womens Hospital i tok mama na ol pikinini i stap orait tasol.

Misis Muir i bin gat bel long spesel we. Ol dokta i bin kisim wara bilong man na meri na bungim i stap insait long wanpela

spesel botol na bihain ol i bin putim i go insait long bel bilong Misis Muir. Dispela rot em planti ol manmeri i save bihainim long kamapim pikinini sapos meri i no

inap long karim bel. Na ol bebi em mama i karim long dispela rot em ol i kolim 'test tube baby'. Misis Muir bai go long haus long pinis bilong dispela wik.

Tasol ol dokta i tok ol pikinini bilong em bai stap long haus sik inap 5-pela wik na bihain bai ol i ken go long haus. Misis Muir na man bilong em

Graham i putim nem Sam, Ben, Christopher na Brett long ol bebi ya. Misis Muir i bin karim ol pikinini ya long Fraide 6 Januери.



Christopher i namba tri



Liklik Brett i namba 4

## Wok Bilong Papamama

OL meri i mas bung wantaim na wok long bringim gutpela sindaun insait long kantri. Dispela hap tok i kam long Minista Bilong Wimen, Relisen, Yut na Spot, Mista Tom Awasa.

Mista Awasa i tok nau planti kain trabel i save kamap long kantri. Na planti bilong ol dispela kain trabel em i pasin nogut ol man i save mekim long ol meri na pikinini.

Mista Awasa i mekim dispela hap tok long taim ol lida meri bilong ol wimens grup i bin bung long wanpela kibung long Lae.

Em i tok olsem ol mama i no mas larim ol plisman tasol i mekim wok bilong bringim lo na oda i go long ol ples bilong ol. Em i tok sapos ol papamama i



lukluk tasol long ol pikinini bilong ol na i no mekim wanpela samting long stiaim gut laip bilong ol, bai planti trabel i wok long kamap yet insait long ol komyuniti bilong yumi.

Em i tok wok bilong givim skul long ol pikinini i mas stat long ol papamama bilong ol pikinini. Na nau planti senis i wok long kamap na planti papamama i save lusim tingting long dispela bikpela wok bilong ol.

# Morobeen WOPA



"I like Wopa Best"

**The Biggest Selling Biscuit in PNG.**



Morobeen  
BISCUITS

SIOMI 3962

# Plis Helpim Francis...

Lydia i bin lukim Francis i raun wantaim wanpela yangpela meri long taim bilong wok.

Na em i ring long opis bilong Francis. Tasol bos bilong Francis i tok, Francis i bin tokim olsem em i sik na i no inap kamap long wok.

Lydia yet i lukim Francis wantaim dispela meri na em i tingting planti....

Lydia i wetim Francis inap em i kamap long haus long apinun tru.

Lydia i no bin toktok liklik wantaim em. Bai mipela kisim teksa na go. Yu ken stap long haus, o sapos yu laik, yu tu ken go raun nabaut.

Francis: "Ah...? Yu wantaim husat bai go lukim piksa?"

Lydia: "Mitupela pikinini bilong mi tasol. Bai mipela kisim teksa na go. Yu ken stap long haus, o sapos yu laik, yu tu ken go raun nabaut."

Francis: "Hei...olsem wanem na yu pes drai olgeta. Yu gat wanem kain kros long mi? Ah...?"

Lydia: "Nogat i samting rong. Mipela laik go lukim piksa tasol."

Francis i painim kaikai bilong em long haus kuk na em i lukim kaikai i stap yet insait long sospen. Lydia i no sutim kaikai yet.

Lydia: "Mi kuk pinis. Man husat i laik kaikai i mas sutim kaikai bilogn em yet. Yu mekim wanem kain wok long san na yu hangre olsem?"

Francis: "Na yu mekim wanem kain wok long haus?"

Lydia: "Man, liklik meri ya i sik na mi kisim em i go long haus sik. I no olsem yu les long go long wok na raun tasol long ka wantaim ol yangpela meri... Ye.. lukim em, nogat sem bilong em."

Francis: "Yu save painim ol dispela giaman stori bilong yu we tru? Nogut ol arapela manmeri i harim na ting em i tru olsem mi man bilong paul nabaut."

Lydia: "Yes ya. Yu man bilong paul tru. Yu ting, wanem? Man' Mi yet i lukim yu raun raun i stap long ka."

Francis: "Maski long giaman!" Em i paitim Lydia.

"Yu yet laik go paul nau nait na yu trik long mekim dispela kain tok kros long mi bai yu ken ranawe. Yu bai no ken go long piksa o wanem hap nau long nait. Yu bai stap long haus inap..."

Lydia: "Inap ya...bai ya...kilim...mi. Sait bilong mi pen...ya. Mama' mama...oh..plis helpim me...Francis, inap ya..noken paitim mi olsem...oh. plis oh."

Francis: "Kisim bilong yu. Ah...? Yu meri bilong giaman oltaim."

Lydia i krai wantaim na em i go ringim ol plis. I gat telepon i stap insait ling dispela nupela haus bilong ol tu.

Lydia i ring long ol plis pinis na em i kisim naip na sindaun long haus kuku i stap. Nogut Francis i kam paitim em gen. Francis i no traime opim dua bilong haus kuk long painim em.

Liklik taim bihain ol plis is kamap long haus bilong Francis na Lydia. Tripela plisman i kalap long ka na kam long dua. Ol i opim dua i go insait na askim Francis.

Plis: "Meri bilong yu Lydia i ringim na mipela i kam."

Francis: "Em i stap insait long haus kuk...opim dispela dua bai yupela lukim em." Francis i soim ol haus kuk.

Lydia i harim toktok bilong ol plisman na em i kam ausaut. Ol plisman i askim em na Lydia i tokim ol olsem man bilong em i paitim em na olsem em i ringim ol plis long kam stapim pait bilong tupela.

Wanpela Plisman i tok, "Oh sapos em i marit pait, mipela in no inap ating bai mi dai."

Lydia: "Nogat. Mi laik tokim yupela long sasim em long paitim mi nating. Bipo tu em bin paitim mi na nau em i mekim gen. Sapos yupela i no mekim wanpela samting, em bai em i paitim mi yet inap ating bai mi dai."

Francis i harim toktok bilong ol plis na Lydia na em i behlhat gen.

"Wanem taim mi paitim yu tru na yu tok olsem...Ah?" Long ai bilong tripela plisman ya, Francis i paitim Lydia gen. "Nau yu giaman orait mi gat rait long paitim yu." Na em i paitim gen Lydia.

Ol tripela plisman ya i sanap tasol na lukluk long Francis i wok long paitim Lydia. Tupeal plisman i laik stapim Francis long paitim Lydia moa, tasol wanpela bilong ol i stapim ol. Dispela plisman tu em i bilong Sepik na em i luksave long Francis olsem wantok bilong em.

Ol i lusim haus bilong Francis na Lydia na i no tingting long krai bilong Lydia na trim long helpim em o stapim Francis long paitim em moa.

Lydia: "Inap ya Francis...plis..olgeta skin bilong mi pen pinis ya. Mi wanem samting bilong yu na...yu save paitim mi...olsem. Bilong wanem..bipo yumi no...marit yet na...yu tokim mi oltaim olsem...yu bai no ken..paitim mi."

Francis: "Sarap...Yu rong na mi skulim yu. Bihain yu no ken mekim ol kain giaman toktok olsem moa...yu harim?"

Lydia: "Wanem taim mi bin giaman long yu? Giaman bilong yu na yu paitim mi nating..we...lukim em."

## Singel Boi No Moa



### Namba 9 hap

Francis i lusim Lydia na em i go ausait long haus. Em i no tok save long Lydia. Trangu Lydia wantaim bebi bilong tupela, Kerryanne tasol i stap long haus.

Liklik Kerryanne i slip pinis na Lydia yet i sindaun long rum bilong em na Francis na krai isi stap. Em i tingting long olsem wanem tru bai Francis i senisim pasin bilong em na kamap gutpela man. Na no ken paitim em nating na raun long laik bilong em olsem singel man.

Lydia i krai tasol long rum i go na ai bilong em i slip. Em i slip na i no tingting long wanem hap tru man bilong em i go long en. Em i no wari tumas tu, bikos em i les pinis long tokim Francis long noken lusim em wantaim bebi tasol i stap long haus long nait. Lydia i pret oltaim long ol rabis stilman. Nogut ol i kam bagarapim haus na husat bai stap long helpim em wantaim liklik Kerryanne.

Francis i no wari moa long wanem samting. Em i lusim haus pinis na wokabaut stret i go long Boroko Hotel, long dring liklik na kolim belhat bilong em.

Wanem kain famili tru em Francis i laik lukautim? Bai em na meri bilong em i sindaun gut bihain? Bai ol i pait gen long nait taim Francis i kam bek long haus. Bilong wanem ol plisman i larim Francis i paitim meri bilong em na ol i no helpim long brukim pait...?

## NBC Senisim Tingting ....

Nesanel Brokast-ing Komis-in, (NBC) bai i no ken katim taim bilong ol redi program bilong en.

Minista bilong Media, Mista Epel Tito i tok NBC i stretim tok pinis wantaim nesanel plening opis na bai ol i mekim ol wok bilong ol redi olsem bipo ol i save mekim.

Siaman bilong NBC, Mista Austin Sapias i no bin amamas long mani em gavman i bin givim i go long NBC long 1984 baset. Na em i tok bai NBC i katim ol aim bilong en long brokas long ol redi stesin insait long kantri.

Tasol bihain long dispela kibung wantaim ol lain bilong Nesanel Plening Opis Mista Tito i tok bai em i askim gavman long givim K159,100 moa long NBC.

Mista Tito i tok em na Mista Austin Sapias i amamas long dispela na nau em i laik bai NBC Bot i skelim tingting gut bipo long ol i katim brotkas taim bilong NBC.



## NESENEL PROVIDEN FAN

**Tok Save I Go Long Olgeta Memba:**

Insait long bikpela astingting bilong Nu Yia long kirpaim smatpela wok na givim gutpela sevis long YU, mipela i senisim taim na de we YU ken i kam lukim mipela na sekap long MANI BILONG YU i stap long Nesanel Providen Fan.

YU ken i kam lukim mipela namel long 9 klok moning na 4.21 pm (apinun) long olgeta Tunde na Fonde, sapos YU gat askim long mani YU SAVE GIVIM long Nesanel Providen Fan.

Na bai mipela i mekim olgeta samting long traime na helpim YU.

**EZEKIEL BROWN**  
Menejing Dairekta

# CALLING ALL BANDS

## WE SELL

- amplifiers & speakers
- drumsets, sticks, skins
- guitars; electric; bass and ordinary
- strings & keys
- Music Books
- na ol kainkain samting long music

TAIM pawa gita, dram na ol arapela samting long pilai long ben i lapun pinis na yu laikim nupela, kisim ol i kam long mipela. Bai mipela salim ol nupela ben samting long yupela long liklik prais tasol.

**ROOK'S RADIO**  
PO BOX 191 LAE  
behind B.P.  
PH-42 4616





COLLEGE OF EXTERNAL STUDIES

# Going Places

High School at home - COES helps  
you with your studies



COLLEGE OF EXTERNAL STUDIES

81

## COES PROVINCIAL CENTRE — MENDI


**My name is Paul Pera and I'm the COES Co-ordinator for the Southern Highlands.**

My office is at the Vocational Centre in Mendi. It was established during 1983.

Last year I visited Kagua, Tari, Ialibu, Koroba and Lake Kapiago. I was able to supervise students doing Entrance Exams and advise others about their studies.

Students can now enrol through the Centre in Mendi and I can give them their lessons immediately. When the assignments or workbooks come in for marking, I arrange for this to be done in the Province. This means in a short time you have your work corrected.

At the Centre in Mendi, there is a classroom. I hope students will use this classroom as a place to study. There is a small library which you can use. As well, I plan to organise classes for students in the Mendi area.



*Classroom being prepared*



*COES Provincial Centre  
Mendi.*



In the Southern Highlands I hope to use High Schools to help COES students. Teachers in the Highlands have offered to assist our students with their work and, in some cases, can provide a place to study. Eventually there will be COES centres in all districts so that students will always be able to get help with their studies if they need it.

My advice to students is to remember to concentrate on your studies.

Please call in and see me or contact me by letter or telephone.

**COES Co-ordinator  
P.O. Box 237  
Mendi.  
Telephone - 59 1009.**



# LIVING and LEARNING

## PAYING WITH MONEY

You saw last week that it is not wise to send money in the post, because money can easily be lost or stolen. It is much wiser to send a POSTAL ORDER, like this:

Papua New Guinea  
POSTAL ORDER  
K2  
Pay to  
TWO KINA  
038379  
K2  
FEE TWENTY TOGA

When the payee receives the postal order, they take it to the post office and get the money for it.

Paying by postal order is not the only way to pay people by post. A lot of people use another method of payment. They pay by using a CHEQUE (pronounced "CHEK").

Here is an example of a cheque.

No. 004  
THE PACIFIC BANK LIMITED  
PORT MORESBY P.N.G.  
DATE 29/11/89  
TO C.O.E.S.  
FOR Study fees  
Balance brought forward 50 00  
DEPOSITS  
TOTAL  
THIS CHEQUE 30 00  
Balance carried forward 20 00  
PAY College of External Studies  
THE SUM OF THIRTY KINA  
K30.00  
SPECIMEN ONLY  
For use in schools  
Bilong akul taosol  
Bikuli sibona dekenal  
U. Levo  
DATE 29/11/89  
OR BEARER

Good questions!

Suppose you wanted to pay C.O.E.S. for your study fees. You would fill in a cheque making it payable to the College — like this:

No. 004  
DATE 29/11/89  
TO C.O.E.S.  
FOR Study fees  
Balance brought forward 50 00  
DEPOSITS  
TOTAL  
THIS CHEQUE 30 00  
Balance carried forward 20 00  
THE PACIFIC BANK LIMITED  
PORT MORESBY P.N.G.  
DATE 29/11/89  
PAY College of External Studies  
THE SUM OF THIRTY KINA  
K30.00  
SPECIMEN ONLY  
For use in schools  
Bilong akul taosol  
Bikuli sibona dekenal  
U. Levo  
DATE 29/11/89  
OR BEARER

The left hand side of the cheque form is called the "BUTT" (just like a postal note's butt). This is your record of the payment. It tells you who the money was paid to, the date, what the cheque was for, the amount of the cheque, the cheque number, and how much money is left in your account at the bank.

The right-hand side (the bigger side) is the actual cheque. If you look carefully at it you will see who the cheque is made out to, the date, the amount (in words and figures), your signature and the cheque number.

When the cheque has been written out, it is then torn away from the butt and sent to the payee — in this case the College of External Studies. You keep the butt.

Where can I get a cheque from?



You get books of cheques from a bank. You first have to put money into the bank and ask for a cheque account. If the bank thinks that you are a sensible person, they will let you open a cheque account. Once the bank gives you your cheque book you can then write out (draw) cheques to pay for things. You do not have to use cash.

But how do I pay them the money? And how do they get money for my cheque?



Next week we will be looking at where our money comes from and the banks we have in Papua New Guinea.

No. 004  
DATE 29/11/89  
TO C.O.E.S.  
FOR Study fees  
Balance brought forward 50 00  
DEPOSITS  
TOTAL  
THIS CHEQUE 30 00  
Balance carried forward 20 00  
THE PACIFIC BANK LIMITED  
PORT MORESBY P.N.G.  
DATE 29/11/89  
PAY College of External Studies  
THE SUM OF THIRTY KINA  
K30.00  
SPECIMEN ONLY  
For use in schools  
Bilong akul taosol  
Bikuli sibona dekenal  
U. Levo  
DATE 29/11/89  
OR BEARER

Why are the words "not negotiable" written on the cheque?




This is done for safety. This means that nobody else can cash the cheque. Only the C.O.E.S. can get the money for the cheque. When the College receives the cheque they can put it into their bank. Their bank then gets the money from yours.

If you did not put two parallel lines across the face of the cheque and write "not negotiable" in between the lines, anyone could cash the cheque and get the money.

If you do put two parallel lines across the face of the cheque NO-ONE else will be able to cash it and get the money.

# Bomana Boksen Klap Redi Long Taitel



Joe Simon bilong Gordens Plis Klap i swingim "Raun-haus wip" antap long wisket bilong Edward Kavo, bilong Yuni. Tasol Edward i tromoi lep jeb long nus bilong Joe. Lukim ai bilong Joe i pas na em i kaikai tit strong. Edward i popaia na Joe i win long poin.

**Bikpela amata boksen tonamen bai kamap long Bomana Plis Koles long dispela Fraide nait, 20 Januaria, 1984.**

**Ben Wauns**

Ol boksa bilong Gerehu Klap, Yunivesiti Klap, Difens Fos Klap, Gordens na Bomana Plis Kalap bai pait insait long dispela tonamen. Na dispela tonamen i kamap bihainim namba wan tonamen i bin kamap long Bomana long las wik Fraide, 13 Januar, 1984.

I gat 8-pela smatpela pait i kamap long dispela namba wan tonamen. Namba bilong ol boksa insait long pait, em Yunivesiti — 4; Gerehu — 4; Difens Fos — 2; Bomana Plis — 4; na Gordens Plis — 2. Na ol boksa bilong Plis Klap i tingting long yusim ol dispela pait long daunim birua na go insait long Papuan Taitel Boksen Resis long Februari, 1984.

Pastaim long namba wan pait i kamap, Rocky Kayo wantaim Kid Joe Aribi bilong Difens Fos i putim kamap smatpela pait bilong so na pulim ol manmeri i go insait long get. Tasol i no gat planti manmeri bilong Bomana Plis Koles i kampa na sapatim 4-pela boksa bilong ol. Liklik lain yangpela manmeri wantaim ol pikinini i go insait long get, olsem na ol man bilong get i kisim K30 tasol. Ol i baim Dokta Reuben long K20 na Klap i kisim K10 tasol.

Orait. Namba wan pait i kamap namel long James Manu (Yuni) na Bai Koai (Gerehu) long 8 klok nait. Dispela tupela boksa i no westim taim. Ol i tromoi han hariap tru i go i kam na James Manu i nokimaut Koai long 2 minit insait long namba wan raun.

Insait long namba tu

pait, Binato Bina (Yuni) i sotwin stret na givap kwiktaim insait long namba tu minit bilong fes raun. Bikos Hetrick Luke (Plis) i pulimapim lep-raik long bodi na pes bilong em olsem otamatik piston bilong trakta ensin. Tarangu Binato Bina i gat solap long pes na reperi i stapim em.

## SOTWIN STRET

Bun i pairap insait long namba 3 pait, bikos tupela birua tru, em Joe Simon (Plis) i traime strong wantaim Edward Kavo (Yuni). Dispela birua i kamap bipo, taim Joe Simon i winim Edward insait long boksen resis long Hula Viles.

Edward Kavo i tingting strong long bekim dinau tasol em i popaia gen na Joe Simon i abrusim em long liklik poin tasol. Na Edward Kavo i putim strongpela promis long brukim nus bilong Joe stret long dispela Fraide, 20 Januari, 1984.

Namba 4 pait i lukim Ben Ipu (Gerehu) i salensim Michael Lofty (Bomana Plis). Pait bilong ol i kamap gutpela tru insait long namba wan na namba tu raun. Tasol ol i yusim het na han bilong ol long pusim birua i go i kam long namba 3 raun. Na reperi, Stephen Beli i givim strongpela tok lukaut long ol tripela taim.

Kosa bilong Ben Ipu, em Robert Namana i lukim i tromoi retpela hat bilong em i go insait long ring. Em i tok save olsem boksa bilong em i no ken go het moa wantaim pait, bikos em i kisim nogut.

Em nau, Michael i winim pait na bihain long dispela pait, poroman bilong em, Clement Rockheart i go insait long ring. Clement i sambai long lukim birua bilong em, Francis Kumo bilong Gerehu tasol Francis i

no kam. Na Mala Mina i kisim ples. Tarangu Mala Mina i laik soim gutpela pait na helpim klap bilong Bomana, olsem na em i go pait. Tasol hevi bilong em i aninit tru long hevi bilong Clement. Tupela i senisim pans i go go na Mala i sotwin. Tasol em i sanap strong i go inap long namba 3 raun. Clement i win long poin tasol.

Bihain long dispela namba 5 pait i gat narapela pait bilong so i kamap namal long

Paulus Ando na William Kube bilong Difens Fos. Olgeta manmeri i paitim han na singaut strong tru taim dispela tupela boksa i lep-raik i go i kam namel long ring. Yu save. Paulus Ando i rausim olgeta gras antap long het, na olgeta manmeri i wok long singaut. "Saku, Saku, Kaman Saku, Givim Nokaut! Tasol tupela i miksim pans i go go na i dro long las raun.

Abel Ando husat i



Reperi Robert Namana i apim han bilong Clement Rockheart bilong Bomana husat i winim Mala Mina. Tarangu Mala Mina i no wansais bilong Clement, tasol em i laik helpim klap bilong Clement. Na em i pait tasol. Clement i traime nokimaut Mala tasol i no inap tru. Na em i win long poin tasol.

liklik brata bilong Paulus i hatim bun wantaim olpela birua, Emmanuel Wiva bilong Gerehu insait long namba 6 pait. Taim tupela i bin pait long Hula Viles long Desemba las yia, em Abel i win. Tasol Abel i kaikai planti tumas na i sotwin kwiktaim insait long namba tu raun. Insait long namba 3 raun Emmanuel i givim hatwan na Abel i givap olgeta.

Namba wan so bilong dispela nait i

kamap long namba 7 pait we Killian Brengks (Bomana Plis) i egensim Thomas Ame (Difens). Killian bilong Not Solomons i ting ples bilong em i gat biknem long pait na em i laik pilai kaskas long Thomas bilong Bereina, Sentral Provins. Tasol westap? Tupeal wantaim i bekim han i go kam long namba wan, tu na tri raun. Thomas i wok long tromoi planti gutpela pans long pes na nus bilong Killian.

Insait long namba tri raun, tupela boksa wantaim i sotwin olgeta na pait olsem tupela kakaruk man i pait na sotwin.

## LIKLIK BRATA

Ol i swingim han na holim pas nabaut, bikos ol i sotwin olgeta. Tasol tupela i sanap na putim kamap wanpela fani "slo-mosen" pait stret. Thomas Ame i bin winim pait, long

i go moa long pes 12

## A Tasty Treat JUST OPEN AND EAT



**CHERRY, CHOCOLATE, BANANA AND SULTANA FLAVOURS.**

# SOFTBAL DRO

SOFTBAL DRO - OL MERI

SARERE 14 JANUERI, 1984

## DAIMON 1

TAIM	TIM	REPERI
9.30	Wantoks 2 V N.Datsun	R.Gabe M.P'ngan E.Kalas
4.30	Agogol 2 V Adkol	C.H'kins E.George E.Karani

## DAIMON 2

TAIM	TIM	REPERI
2.30	Taubar V Daglas	R.Kekedo F.Bundu M.Ludwig
4.30	Gasel 2 V Insurens	E.Kedek I.Marum M.Tamur

## DAIMON 3

TAIM	TIM	REPERI
2.30	Malangan 2 V Yokomo 2	J.M'iai N.Kamara S.Kila

SOFTBAL DRO - OL MAN  
SANDE 22 JANUERI, 1984

## DAIMON 1

TAIM	TIM	REPERI
9.00	Taubar V Tarangau	S.Betson
10.30	Chebu V Demons	M.Nialir D.Napitalai
12.00	Nissangz V NGI	D.Martin M. Katsutar
1.30	Bpelcom V Agogol	R.Rolly M.Tako
3.00	Malangan V Mazda C	L.Paivu T.Mochida
4.30	Kabiu V B.Eagles	P.Mesak A.Hara

## DAIMON 2

TAIM	TIM	REPERI
9.00	Kabiu V Nissangz	N.Simba
10.30	Adcol V Hansa B	I.Palanga
12.00	Sunkaro V Karanas	R.Ratia
1.30	Kerevat V B.Eagles	J.Made
3.00	Gzdefence V Agogol	M.Pasok
4.30	Chebu V Mazda C.	J.Avuchals

## DAIMON 3

TAIM	TIM	REPERI
9.00	Kerevat V Karanas	J.Pupua
10.30	Yokomo V Yomba	J.Pidik D.Eager
12.00	Malangan V Kabiu	J.Moang H.Negita
1.30	Sunkaro V Fuji	J.Tokome R.Tedor
3.00	BP Elcom V YMCA	V.Tolopa D.Ume
4.30	NissanGZ V NGI	W.Daniel P.Tonga

## DAIMON 4

TAIM	TIM	REPERI
9.00	NGI V YMCA	T.Apana
10.30	Kabiu V Taubar Demons BYE	A.Karo
1.30	Malangan V ESA	J.Kuno
3.00	Fuji V Karanas	
4.30	Yokomo V Aviat	D.Tamia

\* ESA BYE

# Chebu na Agogol Bai Tantanim Lata Nau

Chebu wantaim Agogol i sanap las tru long poin lata bilong Man "A" gret kompetisen. Tasol tupela tim wantaim bai tantanim lata, bikos ol bai willilim birua bilong ol long dispela wik Sande.

Chebu bai matmatim Demons na Agogol bai tekewe tiket bilong Elkom nau!

Chebu bai lukim Demons long namba wan pilai insait long Daimon 1. Na strongpela tok lukaut i sanap pinis. Demons i mas was gut, laka?

Orait. Tupela king long kompetisen, em Gasel na NGI bai putim kamap strongpela pait insait long namba tu gem. NGI bai tekova o nogat? I luk olsem bai i no inap na i no ken tru. Gasel bai win yet.

Namba 3 pilai i no gat planti toktok long en. Long wanem Agogol bai salensim Elkom. Na tok piksa i sanap pastaim olsem Agogol bai tantanim poin lata na bringim Elkom i pundaun nogut tru. Maski Oswald Tolopa. Em bai Kelvin Kaumi abrusim em long stail bilong pitsim bal.

Namba 4 pilai bai lukim Malangan i seksekim blut wantaim Mazda Kaps. Malangan i kusai tumas long las wik, olsem na Kaps bai memem ol gut tru. Yu save. Kaps i sanap namba 3 na Malangan namba 4 long poin lata. Na tupela bai putim kamap bikipela resis tru.

Sapos yu tok olsem Malangan bai win, sori tumas, yu popaia stret. Long wanem Mazda Kaps i pait strong na i kalap long lata i kam antap. Maski draipela bata i pulap long Malangan sait, bai Mazda i givim siksti na tekova nau.

Braun Igels husat i sanap namba 7 long lata bai salensim Kabiu husat i sanap pinis long namba 4 ples. Tasol ol dispela Igels bai popaia, bikos ol i pilai kaskas long wik bipo, na Mazda Kaps i autim ol long wan poin. Na sapos ol i laik traim pilai kaskas gen, sori tumas, Kabiu bai mekim planti das insait long ples pilai i karamapim ol.

Ol dispela tok piksa i sanap strong. I no gat wanpela puripuri i stap wantaim dispela tok piksa. Sapos yu no bilip long en, orait, mobeta yu sambai long Daimon 1 na lukim ol dispela pilai long Sande, laka?



Jack Pidik bilong Gasel (Namba 4) i oke o aipas? Em i popaia long kefsin bal na dispela rana bilong Demons i lak savolim em long namba 3 bes. Tasol Demons i abrus na lain bilong PIDIK i winim ol long wan poin. Bai Demons i tarim tabol long birua nau o nogat?

# Bomana Boksen Klap

i kam long pes 11

wanem em i bin tromoi planti pans long het, pes na bel bilong Killian. Na tupela bai pait gen long dispela Fraide tu.

Las pait bilong nait em i samting tru i kamap namel long Herman Leonard (Bomana) na Renagi Renagi (Gerehu). Boksen ring i pairap kranki stret bikos tupela boksa i bikman na ol i hevi moa. Herman i bilong Not Solomons na i tingting strong long daunim Renagi bilong Hula.

Tasol Renagi i wok long slingim sampela hatpela pans long nus bilong Herman. Tupela i mekim save long ol yet i go inap long namba 3 raun na Renagi i kisim solap long wisket bilong em.

Dokta Reuben husat i was long pait i lukim dispela solap na tokim Renagi long lusim pait. Na Herman i win.

## I NO AMAMAS

Seketeri bilong PNG Amata Boksen Yunian, Mista Stephen Beli husat i go pas na putim kamap dispela pait i no amamas.

Em i lukim liklik lain manmeri i kamap lukim pait na em i sem. Ol nukrut plisman i no kisim tok orait long kam lukim pait, na olgeta i lokap long barek bilong ol i stap. Tasol long dispela Fraide, em i potnait stret na Mista Beli i bilip bai planti sapota long Bomana na long siti bai go lukim pait gen.

Tarangau—NGI 0-7, Kabiu—Kerevat 0-7, Taubar—Esa Karanas—Nissan GZ 9-15  
Demons—Kabiu 9-10, Sunkaro—Yomba 7-0, Mazda C—B.Eagles 16-14, Esa—Yokomo 7-13  
BPElcom—Nissan GZ 6-13, Malangan—NGI 8-5, Agogol—ADCOL 44-9, Demons—Kabiu 12-8  
B.Eagles—Mazda C 3-4, BPElcom—Kabiu 12-6, Chebu—Hansa B 22-6, Taubar BYE  
NIG—Agogol 12-5, Nissan GZ—Yokomo 9-2, Kerevat—Karanas 12-7, Malangan—Fuji 8-8  
Chebu—Malangan 7-7, YMCA—Fuji 7-3, GZ Defence—Sunkaro 1-2, Karanas—Aviat 6-5.

# Ren I Bagarapim Pilai

Ol B gret softbal tim bilong ol meri long Mosbi bai go het yet long pinisim pilai bilong ol long kamap long wankain mak olsem A gret na Resev tim.

Pablisiti opisa, Carl Hopkins i tok ol B rret i gat planti tim moa long A na A resev olsem na ol i gat moa gen long pilai.

Narapela tupela wiken bilong mun Januери bai B gret i

pinisim olgeta pilai na bai i gat wankain namba bilong pilai i stap. Embai ol i level wantaim A Gret na Resev mak.

Na olgeta gret bai i ful swing gen stat long Sarere, 4, Februeri.

Las wiken i bin nogat pilai long wanem ples bilong pilai i bagarap long ren na graun i malolo olgeta. Dispela Sarere bai ol dispela tim i pilai gen. Dro bilong las wiken bai kamap gen long dispela wiken.

**NEW TO PNG!**

**COPPER KETTLE INSTANT COFFEE POWDER**

Prais bilong em daunbilo long olgeta arapela instant kopi

100% Pure Coffee  
No substitutes!

Traim - Nating em bai sutim stret bel bilong yu.

CSM

**PHANTOM COMIC**

Man bilong pait wantaim ol trabelman na ol man nogut, Pantom em Pantom. Las wik yumi lukim em i helpim yangpela meri long panim ol lain bilong em. Na long dispela wik pren bilong yumi Pantom bai mekim wanem kain wok. Ritim Pantom komik namba 779 na bai yu yet i ken painimaut.

**NO 779**

# Man 'A' Gret — Sofbal

## Ripot

**Gasel i sanap namba wan yet long pon lata bilong Man 'A' Gret sofbal kompetisen.**


NGI i sanap namba 2 na Malangan i sanap namba 3. Mazda kaps i givim siksti na sanap namba 4 wantaim Kabiu na tarangu Elkom i pundaun i go bek long namba 6 posisen. Ol i kisim dispela kain mak bihain long ol pilai i kamap long las wik Sande.

**Kabiu 10 — demons 8**

Kabiu inap bringim skoa bilong ol i go antap tru insait long dispela pilai, tasol ol i westim ol gutpela bata insait long namba 1, 2 na 3 ining. Tupela olupela pitsa bilong demons, Mea Vui na Phil Proctor i no kamap long ples pilai na ol i putim P Keehan i kisim ples.

Taim Kabiu i wok hat yet long bringim skoa i go antap, Demons i abrusim ol long stat bilong namba 7 ining. Demons i go pas 8-7. Tasol Kabiu i tanim bek na skoim tripela ran na bringim skoa bilong ol i abrusim Demons 10-8.

Pitsa bilong Kabiu, S Emaus i no larim ol



Barike — yu yet Gasel

bata bilong Demons i hamaim bal gut long las ining. Em wantaim Sam Malum i pilai smat tru long sait bilong Kabiu. Na Peter Klink wantaim J Moang pilai gut tru long tim bilong Demons.

**Gasel 13 — Elkom 6**

Planti manmeri i ting dispela pilai bai smat tru, tasol nogat stret. tupela tim i pilai olsem wanpela "E" gret sait. tarangu pitsa bilong Elkom, Oswald Tolopa i wok long swingim bal gut, tasol ol poroman bilong em long infil na autfil bilong daimon i sek. Na ol i no tam-

buim ol bata bilong Gasel givim siksti long wanpela bes i go long narapela bes kwik kwik.

Sapos Elkom i stretim olgeta skindai pilai long filding, ol inap tambuim Gasel long skoim ran insait long namba 1, 2, 3 na 4 ining. Tasol ol i popaia na Gasel i skoim ran insait long olgeta ining. Taim i sot na pilai i pinis bihain long namba 4 ining.

Elkom i skoim tripela ran long namba 3 ining na tripela ran gen long namba 4 ining. Tasol maski. King bilong kompetisen i moa yet. F Diap i namba wan bata na

Patrick Pilak i namba wan pitsa bilong Gasel long dispela de. Tarangu N Wuliah tasol bilong Elkom i soimaut olsem em wanpis yet i ken salensim Pilak na hamaim bal gut i go longwe tru.

F Diap bilong Gasel i skoim wanpela RBI na N Wuliah bilong Elkom i skoim wanpela hom ran insait long dispela pilai. Wining pitsa, em Patrick Pilak na lusing pitsa, em Oswald Tolopa.

**Mazda Kaps 4 — Braun Igels 3**

Braun Igels i lusim gutpela sans long skoim planti ran insait long namba wan ining. Em i bikpela asua tru, bikos Kaps i no givim sans. Ol i blokim we na olgeta pilai bilong ol i wekap na pilai wantaim strong.

Batilom bilong Braun Igels i popaia long hamaim bal na pretim ol-Kaps. Long namba wan ining i gat fulbes na Batilom i bat, tasol em i asua. Em wantaim ol poroman i toktok strong na banisim ol Kaps long namba 1,2,3 na 4 ining. Na Kaps i no skoim ran i go inap stret long namba 5 ining na ol i skoim tupela ran.

Skoa i go dro 2-2 long pinis bilong namba 5 ining. Tasol B. Igels i mekim wanpela ran moa long namba 6 ining na go pas 3-2 gen. Ketsa bilong ol, John Mesulam i asua tru na i no holim pasim bal gut taim E. Minies bilong Kaps i krungutim seken bes.

Minies i krungutim hom plet na skoa i go 3-3 taim G Turki i hamaim naispela tubes hit. S Wungia i krungutim hom bes gen na Kaps i win 4-3. Em Wungia yet i paitim bal na mekim hom ran. Kas bilong em!

G Turki bilong Kaps i mekim kamap wanpela RBI. Tarangu pitsa bilong B Igels, Mano Pupun i kamap lusing pitsa na R Ratia bilong Kaps i kamap wining pitsa. Kaps i mekim wungia i karim biknem bilong tim bihain long dispela pilai.

**NGI 12 — Agogol 5**

Ol bata bilong NGI i was gut long bal em pitsa bilong Agogol, Kelvin Kaumi i swingim. Ol i givim hatwan long bal na givim hatpela taim long Kaumi insait long namba wan ining stret. kaumi i asua liklik na i larim 6-pela bata bilong NGI i kisim fri wokabaut i go long fes bes. Ol NGI i mekim tupela sef hit na bringim skoa i go antap 8-0.

Tarangu Kaumi i pitsim bal gut long namba wan ining i go inap long namba 6 ining, tasol em i tromoi



Elkom Is Stap Long Namba 6 Ples Nau.

gutpela sans bilong autim birua bipo yet long namba wan ining. Olsem na Agogol i skoim tupela ran tasol insait long namba 2 ining na tripela ran long namba 5 ining.

Pitsa bilong NGI, Emil Kereku i autim 6-pela pilai bilong Agogol long Ke-tu na larim ol i hamaim 4-pela sef hit tasol. Pius Romi bilong NGI tasol i skoim wanpela hom ran insait long dispela gen.

**Chebu 7 — Malangan 7**

Oloboi! Chebu i kirapim narapela kain stail na skoim wan wan ran tasol insait long namba 2 ining i go inap long namba 6 ining. Na ol i go pas 5-2 long stat bilong namba 7 ining. Malangan i bin skoim wan wan ran insait long namba 4 na 5 ining. Tasol ol i kirapim das insait long las ining na tantanim Chebu na go

pas 7-5. Long dispela taim em Malangan i tu daun.

Chebu i rausim ol das na skoim tupela tan gen na ol i dro 7-7.

Tupela tim wantaim i mekim kamap planti asua na givim draipela hetpen long tupela pitsa husat i bin traim long daunim birua.

**SPAN ENTERPRISES PTY LTD**


**RAITIM NEM LONG DISPELA FOM NA SALIM TETE!**

Dia Span Entaprais,

Mi gat bikpela laik tru long kisim wanpela bot. Plis, bekim pas bilong mi na tok klia long kain bot bilong kisim pis, bot bilong wok na ol raun raun bot mipela gat nau.

Adres: \_\_\_\_\_


Telepon \_\_\_\_\_



Kain stail ya bilong Jack Pidik i bringim tim bilong Gasel i go sindaun antap stret long lata.



**NAMBAWAN PLES BILONG BAIM: BOT BILONG WOK BOT BILONG PAINIM PIS BOT BILONG RAUN**



**SPAN ENTERPRISES PTY LTD  
SALAMO MILNE BAY PROVINCE  
TELEPHONE 21 2023  
P.O. BOX 1401 PORT MORESBY**

# Yu mas strong



Yu laek kamap bikpela strongpela man o meri yu mas kaikai planti kakaruk bilong Niugini Table Birds. Dispela wik yu ken paenim hap-hap kakaruk na kakaruk tru long olgeta bikpela stoa Baem na kaikai wantaem pamili na pren taem bilong hamamas.

## Niugini Table Birds

*Kaikai na hamamas wantaem*



## Lido Memeim Nalu.

Lido i bin autim tiket bilong Nalu long 21-14. Dispela gem bilong ol i kamap long Sande 15 Januери. Insait long dispela semi fainal, Lido i win na nau ol i sambai long gren fainal.

Nalu i bin stap namba wan long wimens "A" gret long Sofbal insait long Vanimo taun na Lido i stap namba tu. Tasol nau Nalu i lus long semi fainal na ol mas pilai egens Yunaitet long lukim husat tru bai win na pilaim Lido long gren fainal.

Tim bilong Vavago i bin pilaim Yunaitet, tasol ol i bin lus long dispela sisen. Ol i tok sori olsem. 'Lukim yupela long 1984 sisen'.

Arnold Ake

Mediks i bin stap namba wan ples long "B" gret bihain long namba tu raun bilong sisen. Ol i wet tasol nau long go insait long gren fainal, bihain long taim ol i autim ol Bismak. Bismak i bin sanap long namba tu ples long "B" gret.

Endawes na Bismak bai pait nau long Sande

22 Januери long lukim husat tru bai salensim Mediks long gren fainal.

Tom Yuankou, kosa bilong Mediks i tok, em i no wari. Em i save tim bilong Mediks bai kamap kwin yet long 1983-1984 sisen. Em i tok olsem, Mediks i wet tasol long autim husat tim i laik pilai kaskas long ol insait long gren fainal.

Poin bilong ol Meri ("A" Gret)

Nalu 14 - Lido 21.  
Vavago 22-Yunaitet 24.

("B" Gret)

Endawes 29 - Tarakum 9  
Mediks 22 - Bismak 18.

## Vanimo Sofbal Gren Fainal.

Vanimo Sofbal Kompetisen i kamap isi long gren fainal nau.

Long Sande 15 Januери, ol tim bilong man i bin pilai las raun bilong sisen, em raun namba tu. Tim bilong ol meri i pilai namba wan semi fainal tu long dispela taim.

Planti manmeri i bin kamap long Vanimo taun long lukim ol dispela bikpela gem bilong 1983 i pinis.

Ol tim bilong ol man i bun guria tru long pilai insait long 4-pela tim bilong fainal seleksen. Dispela i mekim na sampela tim i mekim save long givim das long ol arapela tim.

Long tim bilong ol meri, wanpela sempion bilong 1982 long Vanimo Sofbal Aso-siesen i bin kisim bagarap tru long 1983 pilai insait long semi fainal. Sunam em dispela tim. Ol i bin popaia long holim taitel bilong sofbal long 1984.

I luk olsem sil bai go long bros bilong Lido, Nalu na Yunaitet tim long "A" gret bilong ol meri. Husat i save? Save bilong ol yet. Husat i lus long dispela sisen i ken brukim bun gen long narapela sisen.

Long sofbal pilai bilong man long Sande 15, namba wan pilai i bin stap namel long Sunam na Tarakum. Sunam i stap namba tu long sisen lata nau na i bagarapim stret Tarakum. Tarakum i sotwin liklik na sanap long wanpela lek tasol.

Kros i bin kamap long dispela taim na reperi i stapim pilai bilong ol: Sunam i bin go pas long poin, tasol pilai i no bin pinis gut.

Namba tu pilai i stap namel long Sandaun na Nalu tim. Man!! dispela em smatpela pilai tru. Tupela tim wantaim i bin soim wan-kain strong long pilai.

Insait long namba tu ining, Nalu i bin go pas long poin. Tasol taim Sandaun i laik kirapim das bilong em, klia. Nalu bai go we?

Sandaun i wilwilim gut tru tim bilong Nalu, 40-16. Han bilong pitsa bilong Nalu, Lamu Lamu i mas pen tru long tromoi ol dispela roket bal.

Olsem na pitsa, neks taim kaikai gut kawar na kam pilaim Sandaun. Em bai yu ken autim ol isi tru.

Braun Igels na Mediks i bin pilai tu. Dispela tim bilong Braun Igels em i strongpela tim tru long Vanimo na olgeta arapela tim i save surik long ol.

Long wanem, Braun Igels i bin kamap king long 1982 na tu ol i bin autim olgeta tim long raun wan na tu long 1983. Tasol long 15 Januери, Mediks i no isi long ol. Mediks i soim strong paua bilong ol na wilwilim tru Braun Igels long dispela gem bilong las raun.

Mediks kosa, Tom Yuankou i bin givim hatpela praktis long ol pilai bilong em. Long dispela praktis tasol, ol i rausim trausis bilong Braun Igels. Gutpela pilai bilong Mediks, Michael Sakelu i helpim tim bilong em

long pits strong. Em i gat bikpela paua long pits na bal bilong em i ran olsem spia stret.

Namba 4 pilai em bilong Lapun Yunaitet na Bismak stret. Lapun Yunaitet i gat bikpela nem long Vanimo tu. Long 1982 sisen ol i bin kamap namba tu ples. Tasol ol kain paua na pilai bilong ol i stap olsem yet.

Dispela tim i gat ol lapun pilai na bikman tasol. Tumbuna bilong ol em Canisius Tobudi.

Tudak i karamapim pilai namel long dispela tupela tim na pilai bilong ol tu i no bin pinis gut.

Tok Save.

Ol opisal i makim pinis 4-pela tim husat bai go insait long fainal. Fainal bai kamap long Sarere 21 Januери. Namba tu semi fainal bai kamap long Sande 22.

Ol tim bilong go long fainal em i olsem:

Sandaun Vs Mediks.  
Sunam Vs Braun Igels.

## Trabel Long Ailans Rijon

Long hap bilong Ailans rijon ol plis i bin kisim tupela ripot bilong ol bikpela trabel long Tunde.

Long Salimon viles long hap bilong Namatana viles, Nu Ailan, wanpela man i bin holimpasim wanpela liklik meri na mekim sem pasin long em.

Dispela pikinini meri igat 11-pela krasmas tasol. Man ya i bin holimpasim em bihain long em ilusim nambis na i wokabaut i go insait long bus. Ol plis man i no sasim wanpel man yet long dispela trabel.

Long hap bilong Is Nu Briten wanpela yangpela meri i bin digim wanpela hul long graun na planim nupela bebi em i bin karim.

Dispela asua i bin kamap long Tavi Namba 1 viles long Fraide 13 Januери. Ol plis i tok meri ya i bin gat bel inap long 7-pela mun. Na long taim em i bin pilim pen em i bin go long gaden na karim pikinini na bihain em i bin digim hul na plantim.

Ol plis i no sasim meri ya long wanem ol i wok long painimaut moa long dispela asua.

## Dai Long Rot

Siune Kerenga bilong Pari Viles long Kundiawa i bin dai long taim ka bilong em i abrusim rot na pundaun i go daun long maunten.

Dispela birua i kamap long Sikanagi/Gembogl


rot. I no bin gat wanpela arapela pasindia i stap insait long dispela ka long taim bilong rijon. Ol plis long Kundiawa i wok long painimaut moa long dispela birua.



## Making Circuits For Your Class

Last week you made a circuit by putting your lampholders and battery holders together. Using this circuit, you have a lamp and a battery. Let us say the brightness of the lamp is **NORMAL** when it is lit.

This is a circuit with one battery and one lamp.




The brightness given off by the lamp is **NORMAL**.


Using the things in your circuit, connect up the following circuits. In each of them say whether the lamp is **NORMAL**, **BRIGHT** or **DIM**.

(1) Two batteries/one lamp.


To put two batteries together you put them side by side on your wooden strip and hold them firmly with some rubber bands.



(2) One battery/two lamps.



(3) Two batteries/two lamps.



**QUESTION:** What happens if you leave the lamp on in all the circuits you have made?

(Answer next week.)

### SWITCHES

A **SWITCH** is used to let electricity through only when it is needed.

You will need:

A. a piece of soft wood.




B. 2 drawing pins.




C. 1 paper clip.




(1) Hold the wires under the drawing pins which have been pinned into the wood.



(2) Hold a paper clip under one of the drawing pins.



(3) To put the switch **ON** you move the paper clip so that it touches the drawing pin. This allows electricity to pass through, which lights up the lamp. Connect up your circuit using the switch to light your lamp.







# Pren Bilong Wantok

Dia Edita — Mi wanpela pren tru bilong WAN-TOK niuspepa na mi save ritim olgeta wik. Na mi save amamas long dispela niuspepa bikos em i niuspepa tru bilong yumi long Niugini.

Long WANTOK namba 500 yupela i bin printim gutpela stori long first pes, em stori bilong Kraus Bilong Krismas. Tasol stori bilong dispela man i no pinis olsem, nogat. Bikipela samting yupela i lusim tingting long raitim: Taim dispela man i dai na ol i planim em long matmat, em i no sting, nogat. Tripela de bihain em i kirap bek na em i stap laip. Na dispela as tru long em tasol i helpim bilong mipela. Em i stap laip na em i Pikinini bilong God. Na sapos yumi bilip long em bai yumi i stap laip wantaim em tu oltaim oltaim.

Elisabeth Walter  
S.S.E.C.,  
Ambunti,  
Is Sepik.

# Man O Pik I Karim

Dia Edita — Mi sapotim pas bilong susa ya Mis Leonney R. Em i bilip tru long wanem God i mekim yumi long wokim wanpela wok tasol.

Ol tarangu meri i save isi. Na yumi ol man ya ating ol pik i karim yumi. Yumi save olsem long taim yumi marit em ol meri bilong yumi. Na maski long mekim dispela rabis pasin long bagaram ol.

Mi laik mekim tasol dispela liklik tok long sapotim susa ya Leonney.

John Lewa,  
PNGBC,  
PO Box 86,  
Bulolo.

# Gavman I Mas Skelim

Dia Edita — Mi no hepi long ol manmeri bilong Mosbi siti i salim 3-pela ouai long K1.

Olsem wanem? Ol i gat skel na ol i save skelim ouai pastaim na sasim ol pipel long hevi bilong ouai o olsem wanem?

Sapos ol i skelim buai na putim K1. Long pe bilong en, orait, i nogat ok long dispela. Na bai ol i save olsem wanem sapos nsait bilong buai i orait o

nogat? Nogut yumi tromi nating mani long buai na bihain yumi painim olsem insait bilong buai i bagarap pinis.

Yumi olgeta i save olsem buai em i no samting bilong hatwok long lukautim. Yumi plantim i stap na bihain em i karim kaikai na yumi kisim na kaikai. Na i no gat bikipela tuhat na hatwok i save kamap long wok bilong lukautim ol

diwai buai.

Ating gavman i mas skelim tingting nau na traim long kontrolim pe bilong buai long Mosbi. Buai i no inap long bringim wanpela toea i kam insait long kantri. Yumi save olsem gavman i no inap salim buai i go long ol ovasis kantri na bringim mani i kam bek long helpim kantrik bilong yumi PNG.

Nau yumi ken lukim

olsem planti ol pipel bilong ol ples olsem Mekeo, Maiwa, Rigo, na Kerema i les long wokim gaden o kirapim sampela projek long ples bilong ol. Long wanem ol i save westim bikipela taim bilong ol long kisim buai i kam sindaun long ol maket long Mosbi.

Ebay Sariwong,  
Waigani Golp Klap,  
NCD.

# Yako I King Long Wan De Tasol

Dia Edita — Mi laik toktok liklik long Sandaun soka. Mi ritim wanpela stori long Wantok niuspepa long



Yako i king bilong Sandaun long pilai soka.

Mi ting dispela hap toktok i no stret. Na ating man i raitim dispela stori i mas tingting long apim nem bilong ples bilong em tasol.

Mi save olsem Yako i nogat nem long Sandau soka. Ol tim husat i gat nem long dispela provins em Waramo na Guria.

Yako i nogat nem long soka. I tru olsem long taim bilong soka resis long namba 5 provinsal gavman de Yako i bin win. Tasol ol i no king bilong Sandaun Soka.

Waramo em i king bilong Sandaun soka. Long wanem Waramo i bin holim Vamimosokasil inap 5-pela yia olgeta. Em long 1978 i go inap long 1981 na long 1983 gen.

Steven Lido,  
Wewak,  
Is Sepik Provisns.

# NEM AIR NIUGINI I STAP

Dia Edita - Mi bin lukim tripela pas i gat toktok long senisim nem bilong Air Niugini i kamap long Wantok Niuspepa pinis. Na mi no laikim dispela tingting bilong senisim nem bilong dispela balus kampani bilong yumi.

Namba wan toktok i kamap long senisim nem i go long Air Pangani. Orait. Narapela toktok i kamap gen na i laikim yumi yusim nem Air Paradis. Tasol maski. Mi no laikim ol dispela nupela nem.

Bilong wanem as tru na bai yumi senisim dispela gutpela nem, Air Niugini. I nogat planti komplem i kamap long PNG yet long dispela nem. Na planti pipel bilong arapela kantri i luksave pinis long dispela nem. Orait. Watpo bai yumi kirap na

senisim nem gen. Maski.

Sapos yumi senisim nem, Air Niugini bai ol i lusim bikipela mani gen long penim nupela nem antap long ol balus. Na bai ol wokman i yusim bikipela mani long raun long olgeta hap na tok save long ol manmeri long dispela senis. Ol i mas raun long arapela kantri tu long putim kamap dispela tok save. Em i no stret.

Dispela nem Air Niugini i stap wantaim gutpela piksa bilong Kumul Pisin na planti pipel i luksave long en pinis. Mi no ting em i gutpela tingting long senisim dispela nem nau. Maski, larim nem, Air Niugini i stap, laka?

Matthew Yamelong  
Paradise Klap  
Bulolo, Lae  
Morobe Provisns.

# Watpo Paitim Meri Nating

Dia Edita — Long namba 13 de bilong mun Desember mi lukim wanpela meri i bin karim wanpela pikinini meri.

Meri ya i kam stap long haus long tupela de tasol na man bilong em i bin

spak long wanpela hap na i kam paitim em. Na em i bin mekim sampela tok nogut tu long meri ya.

Mi lukim dispela kain pasin na mi no amamas liklik. Sapos meri bin raun nating wantaim arapela man na em i gat bel orait ating yu gat as long mekim dispela-kain pasin long em.

Na i gat ol rot i stap long stretim asua sapos yu lukim meri i mekim dispela kain pasin long ai bilong yu stret. Na dispela kain pasin long paitim nating meri long taim meri i karim pikinini meri em i no gutpela tumas.

N Poa,  
Arawa,  
Not Solomon Provisns.

# Wanem Kain Bus Kibung

Dia Edita — Olgeta memba bilong Morobe Provinsal gavman i no save karim hevi bilong ol pipel bilong ol long taim ol i go wokim ol bus kibung bilong ol.

Mi ting long taim ol i go long ol dispela kibung ol i no save toktok long ol wari bilong ol pipel bilong ol. Ol bai opim maus bilong ol tasol i na

sindaun i stap.

Long taim ol i bin go long dispela kibung bilong ol long Bundum, tupela memba i bin rabisim ol kaikai bilong mipela.

Plis traim na senisim dispela kain tingting bilong yupela.

Gusa Yap,  
Arawek Viles  
Wantoat, MP.

# Noken Tingim Tinpis Tasol

Dia Edita — Mi laik sapotim pas bilong Wantok ya Thomas Galai.

Dispela pas bilong yu i tru. Mi yet i pilim olsem DPI long Finsafen i no save mekim gut wok bilong en. Plis traim na daunim pen bilong mipela bilong ples.

I kam inap nau mi no save harim wanpela gutpela ripot i kamap long wok bilong DPI long Finsafen. Long dispela tasol na planti bilong mipela i ting yupela i save kisim potnait nating na i no gat kaikai bilong wok bilong DPI.

Mi laik Minista bilong DPI long nesene gavman

i mas lukluk gut long dispela wari bilong mipela. Noken tingting iong tin pis tasol na slip long opis. Traim na opim ai bilong yupela na helpim ol pipel bilong Finsafen,

Gerin Aze,  
Mendi Plis Stesin  
Sateb Hai ans Provisns.

# Yupela Apim Pe

Dia Edita — Mi laik skruim toktok bilong brata Nerus Farinag na bekim sampela toktok bilong Simon Sirua.

Simon i bin rait na tok buai bilong Makam i dia tumas. Mi ken tokim yu brata Simon mipela ol asples bilong plantim

buai i save isi long yupela.

Ating long taim yu raitim pas em i taim bilong buai i sot long Makam olsem na ol i apim pe bilong buai. Mipela i save salim ol bek buai long yupela long K60 o K50 tasol.

Plantim taim yupela i save kam baim buai long mipela long Madang na Lae na karim i go bek long ples bilong yupela gen an salim. Tasol long taim yupela i salim buai, yupela i save sasim bikipela pe tru long en. Na yupela i save mekim bikipela profit tru long buai.

Mipela i save hatwok nating long plantim buai, kokonas, pinat, na ol arapela kaikai. Sapos yu mekim dispela hap tok long taim yu baim bek buai, bai ol Makam i kisim bek buai ya na brukim kela bilong yu.

Michael Nawantim,  
Wewak,  
Is Sepik Provisns.

# ATENSEN OL HAUS KAIKAI NA KLAB

MEKIM KAIKAI PLES BILONG YU I NAMBAWAN. YUSIM OL RAIT MASIN LONG WOKIM, KUKIM NA DISPLEIM OL HAT KAIKAI — DISPELA EM I SIKRET TRU.

STEAMSHIPS MACHINERY IGAT OL KAINKAIN MASIN BILONG KUK ISTAP, OL BAI HAMAMAS TASOL LONG HALIVIM NA TOKSAVE LONG WE BILONG YUSIM.

OL I SALIM NA SEVISIM LONG

**Steamships - MACHINERY**


# HOBART

HOBART WOKIM WOK BILONG MEKIM KAIKAI I ISI NA HARIAP. I GAT MASIN BILONG:—

- RAUSIM SKIN NA KATIM POTATO
- SLAISIM KAIKAI
- MIKSIM KAIKAI
- KATIM KAIKAI
- WASIM GLAS — LONG GUTPELA HAEGIN INSAIT LONG OL KLAB O HAUS KAIKAI


# LITTON

MICROWAVE OVEN — HATIM KAIKAI OLSEM YU BIN ODAIM — INO INAP WESTIM



# AUSTHEAT

HOT FOOD BAR — WOKIM KAIKAI ISTAP GUT




ROTACHIK I GAT INAP SPES LONG 5 IGO 40 KAKARUK.

# Luke

ELECTRIC FRYER

LONG NAMBAWAN TAKE-AWAY FISH, SIPS NA OL NARAPELA KAIKAI



HEB 2110

# Sindaun Bilong Helpim 20,000 Pikinini Long Wol Long 1984

Long 1983, i bin i gat planti yang-pela pikinini i dai long ol nupela kantri long wol.

Tasol Yunaitet nesen i ting long dispela yia 1984, bai i no gat planti pikinini tumas i dai. As bilong dispela em bikos nau i gat samplea nupela rot em ol i painim olsem inap long helpim ol liklik pikinini long winim ol sik nogut.

Yunaitet Nesen i bin painimaut olsem 20 kantri i bin yusim ol dispela rot na i bin katim daun namba bilong ol pikinini husat i save dai long olgeta yai.

Ol viles long hap bilong Guatamala long Saut Amerika, Honduras (em wanpela ailan kantri long karibien), Ejipt, India na Bangladesh i tok namba bilong ol pikinini long ol kantri bilong ol husat i save dai long wan wan yia i surik i go daun nau. Na as bilong dispela gutpela nius em bikos ol i wok long yusim wanpela we bilong helpim ol pikinini ol i kolim "Oral Rehydratin Therapy".

Planti ol pikinini long wol i save dai long taim ol i kisim sik pekpek wara. Dispela sik i save mekim bodi bilong ol pikinini i lusim planti wara tru.

## Sol Na Suga Paura

Bipo ol nesus na dokta i save hang amapim botol wara na larim wara i drip isi isi i go insait long rop long bodi bilong ol pikinini. Tasol nau i gat ol spesol na suga paura em ol mama i ken baim na gimim long ol pikinini long dringim long taim ol i pekpek wara.

UNICEF i ting olsem sapos ol mama i save long dispela spesol/suga paura bai ol i ken yusim hariap long taim pikinini bilong ol i gat dispela sik. Na ken helpim laip bilong ol pikinini bilong ol.

Narapela we bilong helpim sindaun bilong ol pikinini em long was gut long hevi bilong ol.

Na nau i gat ol liklik buk em ol mama i ken baim. Dispela liklik hap pepa i kos 10 toea tasol.

Orait olgeta mun long taim ol mama i kisim pikinini bilong ol i go skel, em bai ol sista na nes i ken tok save long ol long hevi bilong pikinini. Long dispela rot bai ol mama i ken save sapos pikinini bilong ol i wok long kamap bikpela o nogat. Sapos skel bilong pikinini i go daun em bai ol nes na sista i ken toktok wantaim mamam na gimim ol gutpela tok save long helpim pikinini bilong em.

## Hevi Bilong Pikinini

Hia long PNG i no gat bikpela wari long dispela. Long wanem long taim ol mama i karim pikinini long haus sik em ol nes i save gimim ol skel buk bilong ol pikinini. Na insait long dispela buk i gat dispela hap pepa we i ken soim mak bilong skel bilong pikinini. Tasol i gat bikpela havi i stap yet. Planti mama i no save kisim pikinini bilong ol i go skel long taim ol nes na sista i kamap. Long skelim ol pikinini long ples.

## Susu Bilong Mama


I gat sampela kantri we ol pikinini i save bagarap long wanem ol mama i no gimim susu long pikinini. Ol i save baim ol susu long stua na gimim long ol pikinini long dring.

Dispela susu long stua em i no gutpela tumas long ol nupela bebi. Planti taim ol mama i no save taimim gut susu. Na tu ol i no yusim klinpela wara o klinpela botol. Na bebi i ken kisim kain kain sik long dispela.

Long Papua Niugini i gat strongpela tambu long ol manmeri i go insait long ol stua na baim nating ol botol bilong gimim susu long

Nau i gat sampela nupela rot em ol saveman i painim pinis long hlepim laip bilong ol pikinini long wol. I kam inap nau samting olsem 20,000 pikinini i save dai long wan wan de long wol. Dispela ol nupela na isi rot inap long daunim dispela bikpela namba tru bilong ol pikinini husat i save dai.

Hia em ol 5-pela rot:



## Susu Bilong Mama

Susu bilong mama em i nambawan kaikai bilong ol bebi. Planti kantri long wol i no bihainim pasin bilong yumi long gimim susu bilong mama stret long ol pikinini. Ol i wok long gimim susu bilong stua long ol liklik pikinini na dispela em i as bilong planti kain sik i save kamap na kilim indai ol pikinini long taim ol i stap bebi yet.

## Spesol Sol/Suga Paura.

Samting olsem 5 million pikinini long wol i save dai long wan yia bihain long ol i painim sik pekpek wara. Dispela spesol sol/suga paura i ken helpim long daunim dispela asua. Ol papamama yet i ken baim na gimim pikinini long taim em i kisim dispela sik.

## Kisim Sut

Kisim pikinini i go kisim sut long stapim ol 6-pela bikpela sik i save kisim ol pikinini. Ol sik ya em TB, Polio, Tetnas,

whooping Cough, Measles, Diphtheria. Samting olsem 5 milion pikinini i save kisim ol sik ya long wanem ol i no bin kisim sut long stapim ol dispela sik.

I tru i gat planti manmeri pikinini i save dai long wol long wan wan yia. Tasol i gat moa bebi i save kamap long kisim ples bilong ol.



## Populesen

Planti taim ol papamama i no laikim famili plening long wanem ol i no save pikinini bilong ol bai i stap laip inap em i kamap bikpela man o meri, o bai em i dai long taim em i stap pikinini yet. Gutpela skul na gutpela pasin bilong lukautim ol pikinini bai inap daunim namba bilong ol pikinini i save dai long taim ol i liklik yet.

ol pikinini. Ol dokta tasol i ken gimim tok orait long ol pipel long baim botol.

## Kisim Sut

Namba 4 bikpela rot bilong helpim laip bilong ol pikinini em long kisim ol i go long

ol klinik na kisim sut long stapim 6-pela bikpela sik.

Ol dispela sik em inap long kalap isi tru long ol pikinini em misels, huping kof (strongpela kus we ol pikinini i save pulim kus i go i go na sotwin wantaim) tetnas, dip-

theria, TB na polio.

Ol dispela sik i save kilim samting olsem 5 milion pikinini long wol long wan wan yia. I no bikpela mani tumas long kisim ol pikinini i go kisim ol dispela sut.

Hia long PNG yumi laki. Long wanem ol nes na sista i save gimim

ol dispela sut long ol pikinini long tiam ol i bebi yet. Na i no gat pe long dispela. Tasol planti mama i save ting olsem sapos ol pikinini i kisim sut wanpela taim tasol em inap.

Tasol ol i krangki. Dispela em ol strongpela sut na ol nes i save

makim 3-pela yia olgeta long pinisim dispela sut. Ol pikinini i mas kisim wanpela sut long wan wan yia inap ol i winim 3-pela krismas. Sapos ol mama i bringim ol i go kisim sut wanpela taim tasol, em bai ol pikinini i no inap abrusim dispela 6-pela sik.



## Skel Bilong Pikinini

Wanpela rot ol papamam i ken lukim ol pikinini bilong ol i wok long gro em long hevi bilong pikinini. Sapos mama i kisim pikinini i go long skel bai ol nes inap soim em long liklik skel buk sapos pikinini i wok long gro gut o nogat.

**Nupela Wantok B i n g o**

13-36 21-40-52	9-17-30 20-55-43	51-14-33 8-47-29	26-58-10 37-44-4	6-15-54 48-39-25
-------------------	---------------------	---------------------	---------------------	---------------------

Pilai i go olsem, makim wanpela namel long ol 6-pela namba aninit long N na I na G na O. Mipela helpim yu na makim pinis Namba 5 aninit long B. Tingting gut - makim na salim i kam long: Wantok Bingo - Box 1982, Boroko. Hariap salim kwik. Resis ya bai go inap long 4-pela wik. Sapos i nogat wina man i klostu long win bai kisim K10.

Nem: \_\_\_\_\_  
P.O. Box \_\_\_\_\_  
Taun \_\_\_\_\_

# NISSAN



# URVAN

Maikrobas i gat longpela bodi na rup i antap moa

## Em i Smatpela We Bilong Muvim Pipel

Dispela nupela Nissan Urvan Maikrobas i nambawan samting long mekim yu amamas moa na inap helpim yu long sevim mani tu. Dispela ka tasol i gat gutpela ol samting bilong amamasim ol pasindia. I gat ol samting long mekim pasindia i kisim gutpela sindaun. I gat dua bilong surukim isi tasol na larim ol pasindia i go insait na ausait tu. I gat bikipela sit long 5-pela lain i sindaun long fran na go inap long baksait. wantaim bikipela spes bilong wokabaut. I gat glas windua we draiva na ol pasindia i ken sindaun isi tru na lukim olgeta samting long rot.

I gat dispela kain ka we rup bilong em i go antap moa long larim bikipela spes bilong sanap na wokabaut. Sapos yu gat planti manmeri long kisim i go i kam long taun. go long ples balus o i go

long kantri sait long spin raun. dispela nupela Nissan Urvan Maikrobas i gutpela ka bilong mekim dispela wok.

Dispela arapela kain ka i gat rup i go antap moa i ken putim masin bilong givim kolwin long rum draiva na long ol pasindia. Ol pasindia i ken sindaun isi na pilim gutpela kolwin insait long ka.

Narapela ka i gat liklik rup i ken putim masin long givim kolwin long baksait. Na i gat baten bilong larim ol pasindia yet i tanim tasol na kisim gutpela kolwin.

Dispela kain masin bilong givim kolwin i stap tu long Nissan Urvan Stesin Wagon.



**Lukim NISSAN URVAN  
Maikrobas long BM kam-  
pani i stap long hap bilong  
yu tude!**

**"OL LAIN GUTPELA  
MAN"**



Boroko Motors 25 5255  
Boroko Motors 42 1144  
Boroko Motors 92 2777  
Boroko Motors 82 2433  
Boroko Motors 52 1433  
Arawa Motors Pty Ltd 95 1566

Port Moresby  
Lae  
Rabaul  
Madang  
Mt Hagen  
Arawa

Higaturu Motors Pty Ltd 29 7175  
Provincial Agencies Pty Ltd 94 2131  
Tora Motors Pty Ltd 57 4059  
Milne Bay Enterprises 61 1167  
Wewak Datsun and Marine 86 2220

Popondetta  
Kavieng  
Wepenamanda  
Alotau  
Wewak

# HONDA FARM BIKES

- \* Nogat wok bilong miksim fiul
- \* Liklik meintenens
- \* Em i strongpela olgeta taim

MIPELA I WINIM OL NAMBAWAN MAK PINIS,  
OL SAMPELA I TRAIM YET

ATC 200ES

CT 110

CT 125



HEB 2210

Igat long

**Steamships-MACHINERY**

na ol locol Honda motosaekol dila long hap bilong yu.

# Paulim Gelpren

## Bilong Mi LAIP

DIA LAIPLAIN,

MI bin stap wantaim gelpren bilong mi long haus bilong famili bilong em inap long tupela yia olgeta. Mi bin wok mani pinis long dispela taim. Na gelpren bilong mi i stap long haikul yet.

Famili bilong gelpren i bin sindaun bung wantaim mipela long wanpela nuit na stretim toktok bilong mitupela. Ol i pasim promis long mi maritim dispela gelpren bilong mi bihain long em i pinisim skul na painim wok. Papa bilong meri ya i amamas tru bikos mipela i bilong wanpela ples tasol. Mama bilong meri i bilong narapela provins.

Insait long dispela tupela yia, mi bin wokim olgeta kain samting long amamasim famili bilong gelpren. Mi save baim kaikai i go long haus na mi givim mani i go long han bilong ol long olgeta pe dee.

Gelpren i pinisim skul na i kisim trening long wanpela Tisa Koles i stap longwe liklik. Mi save baim klos na salim wantaim sampela mani i go long en.

Long stat bilong dispela mun, gelpren i raitim wanpela pas i kam long mi. Na em i tokaut olsem ol tisa bilong dispela koles i bin paulim tingting bilong em na givim em sampela strongpela toktok. Tasol em i sem na i laik tokaut long ol dispela samting insait long pas bilong em.

Mi bekim pas na tokim em long autim ol dispela toktok bilong ol tisa long mi. Tasol em i tok maski. Na em i laikim mi lusim tingting long em. Em i laikim mitupela i brukim dispela promis bilong mitupela.

Plis, mi no klia long wanem samting bai mi mekim nau. Mi sutim tok long ol tisa bilong koles, bikos ol i paulim tingting bilong gelpren. Na ol i tambuim em long raitim pas long mi. Mi lukim dispela kain pasin i no stret.

Inap mi raitim pas i go long papamama bilong em na tokaut long dispela samting o nogat? Na inap mi go ripot long ol plis long dispela samting o olsem wanem? Yu save. Gelpren i laik bai mi lusim tingting long em na painim nupela rot. Orait. Mi laikim plis i helpim mi long kisim bek bikpela mani na ol samting mi givim long famili bilong dispela gelpren bilong mi. Inap mi go het na mekim dispela samting o olsem wanem?



DIA PREN,

MI ting em i no gutpela pasin tumas long bringim plis i go insait long dispela hevi bilong yu. Bikos plis bai tokaut olsem i nogat man i brukim lo na mekim pasin nogut long yu. Na i nogat wanpela lo i tok olsem yu ken i kisim bek ol samting yu givim pinis long narapela manmeri.

Tasol animit long pasin bilong tumbuna, yes. Yu ken kisim bek ol samting bilong yu, sapos lain bilong meri i brukim promis bilong ol.

Em i no gutpela tingting tu long sutim tok i go long ol tisa. Em i tulet long mekim sampela samting long ol. Na em i no gutpela rot, sapos yu tingting long kotim ol lain bilong meri.

Em i tru olsem ol tisa bilong Tisa Koles i givim sampela toktok na pusim gelpren na lusim tingting long yu. Tasol yu no inap mekim dai dispela hevi, sapos yu go het na traim long bagarapim ol tisa. I no longpela taim bai gelpren bilong yu i lusim koles na kamap tisa long wanpela skul. Na em i no inap lukim ol dispela tisa long Tisa Koles moa.

Yu mas raitim pas i go gen long gelpren bilong yu na stretim toktok. Yu mas raitim pas na tokaut long ol papamama bilong meri tu. Mi bilip bai papa bilong meri i kros liklik.

Sapos yu laik pren yet wantaim em, orait, raitim pas na tok save long em. Sapos yu tingting long lusim em, yu mas tokaut long papamama bilong em tu. I luk olsem bai ol i ken givim bek olgeta samting bilong yu animit long pasin bilong tumbuna.

Yu mas traim na toktok wantaim ol hetman bilong ples bilong yu long dispela hevi. Ol i ken stiaim yu long gutpela rot yu ken bihainim long kilim indai dispela hevi. Na mipela i bilip bai yu bihainim stretpela pasin long pinisim dispela hevi isi isi tasol.


MI LAIPLAIN

Sapos yu gat wari o askim salim i kam long Laiplain Box 6047, Boroko.

# Muruk Fam



Ol i save kilim 1,000 muruk long dispela fam.



BIPO long ol waitman i kamap long Australia, ol tumbuna bilong ol asples, em ol Aborijini, i save painim ol muruk long bus bilong ol. Em i wanpela bus bilong ol.

Tasol nau ol Aborijini pipel bilong Wiluna long Westen Australia i kirapim wanpela muruk fam.

Na sapos dispela fam i gat bisnis long ol gras skin na kiau na mit bilong muruk. Wilum nai stap samting olsem 500 mail longwe long Perth biktaun bilong Westen Australia.

Long dispela 494 eka fam i gat 300 muruk. Na long pinis bilong yia 1980 i bin gat inap man na meri muruk long kirapim muruk bisnis.

Wanpela kampani ol i kolim Applied Ecology Ltd, em gavman i go pas long en i helpim ol Aborijini pipel long kirapim dispela muruk fam bilong ol.

Bikpela wok bilong dispela kampani em long painimaut long wanem kain ol samting bilong bus ol Aborijini pipel i ken yusim long kirapim bisnis bilong ol yet.

Dispela muruk fam i bin stat long 1976. Ol zoo na arapela pipel i bin givim 16 muruk. Na ol Aborijini pipel yet i bin givim 100 pikinini muruk em ol i bin holim long bus.

Ol dispela muruk bilong Australia i draipela moa long ol muruk bilong yumi long PNG. Na nem bilong ol em Emu. Ol dispela enimal i save laik stap long ples i hat. Na em i no isi long holim ol. Long wanem ol muruk ya i save ran spit tru.

Ol pikinini muruk husat i gat 1-pela mun

tasol i save ran spit tru olsem ol man. Na ol bikpela muruk em longpela bilong ol inap long 6 fit i ken ran inap long spit bilong 31 mail long wanpela aua. Na tu ol muruk inap long givim bikpela bagarap tru long ol man wantaim lek bilong ol olsem na planti pipel i save pret long ol.

Long taim ol muruk i gro long fam em bai skin bilong ol i no inap long bagarap. Na ol i ken yusim skin bilong ol long mekim ol kain samting olsem ol hanpaus, na let na ol arapela samting em nau planti pipel i save yusim ol skin bilong kau long mekim.

Sapos ol dispela muruk i stap long bus olsem, bai skin bilong ol i no inap gutpela tumas long mekim ol dispela kain samting. Long wanem long taim ol i raun nabaut long bus, planti bagarap i save kamap long skin bilong ol.


Ol bisnisman i ken yusim ol gras bilong muruk tu long mekim kain kain samting. Na ol i ken yusim tu ol sel bilong kiau bilong muruk long mekim kain kain bilas samting. Sampela taim ol i save droim kainkain mak long ol sel bilong kiau na wanpela bilong ol i kos samting olsem K300.

Kala long ol sel bilong kiau bilong muruk ya i grin. Na ol Aborijini i save pentim kain kain piksa long ol sel bilong en na salim. Sampela taim ol man i pentim ol piksa i save wok 1 wik olgeta long pentim ol sel bilong kiau.


Na mit bilong ol muruk tu em i wanpela gutpela bisnis. Ol Aborijini pipel i save laikim tru dispela bus. Olsem na long taim ol i kilim ol muruk long dispela fam, bai ol i salim tu ol mit bilong en na ol pipel i ken baim.

## NAMBAWAN ROT BILONG RAUN NA HUK!

Clark Aluminum Bot. Strongpela gutpela bot bilong mekim planti wok. I no hevi, i no bikpela mani, na isi long lukautim.



EVINRUDE Autbot Moto  
Strong na namba wan. Bos long ol autbot maket. 4.6.15.25 na 35 hospaua i stap long baim.



**BOROKO  
MOTORS**  
MARINE DIVISION  
P.O. BOX 1259, BOROKO, PNG.

**212039**



# Laip bilong Jisas



NAMBA WAN PIKININI EM I STAP LONG GADEN. EM I TAITIM BUN BILONG PINISIM WOK.

SAPOS BRATA BILONG MI I STAP NA I HELPIM MI, MI NO INAP WOK HAT OLSEM.

EM I PINISIM WOK NA EM I GO KAMAP KLOSTU LONG HAUS, NA EM I HARIM MUSIK...



NAMBA WAN PIKININI I BELHAT NA I NO LAIK GO INSAIT. ORAIT PAPA BILONG EM I KAM AUSAIT.

MI STAP OLTAIM LONG PLES LONG HELPIM YU, TASOL YU NO MEKIM KAIKAI LONG MI. YU MEKIM LONG BRATA TASOL. PIKININI, OLGETA SAMTING BILONG MI EM BILONG YU. BRATA BILONG YU EM I DAI PINIS, TASOL NAU EM I STAP LAIP. YUMI MAS AMAMAS.

JISAS I STORI PINIS, NA OL PIPEL I TANIM LUKLUK LONG NARAPELA NARAPELA, NA WOK LONG TINGTING.

ATING EM I MIN OLSEM GOD EM I OLSEM DISPELA PAPA LONG DISPELA STORI.

EM NAU. MI TINGIM. GOD I LAIK LUSIM OL RONG BILONG YUMI SINMAN SAPOS YUMI TANIM BEL NA KAM BEK LONG EM.



OL FARISI I LUKIM OL PIPEL I AMAMAS LONG TOK BILONG JISAS, NA OL I BELHAT NA I GO. JISAS I LAINIM OL PIPEL YET, NA SAMPELA NIUS I KAMAP.

BIKPELA, YU MAS KAM LONG BETANI. LASARAS, EM SUSA BILONG MARIA NA MATA, EM I GAT SIK. TUPELA I SALIM MI I KAM TOKIM YU.



BETANI, A? EM KLOSTU TUMAS LONG JERUSALEM, PLES BILONG OL BIRUA I LAIK KILIM JISAS.



Kristen Buk Melanesia (Box 488, Wewek) i tanim dispela komik i kamap olsem buk bilong ol. Sapos yu laik yu ken baim long ol.

Copyright 1973. David C. Used by permission of the David C. Cook Publishing Co. All rights reserved.

## Wokabaut Wantaim Ol Yangpela


OL Yut Lida wantaim ol manmeri i wok wantaim ol Yut Grup insait long planti hap bilong Papua Niugini i gat wanpela gutpela helpim i kamap pinis.

Dispela helpim em i wanpela buk, ol i kolim "WOKABAUT WANTAIM OL YANGPELA," em Pasta Werner Strauss i raitim. Na het tok bilong dispela buk i tokaut olsem em i "Buk Bilong Lainim Ol Yangpela."

Pasta Werner Strauss i bin wok klostu wantaim Ewanjelikal Luteran Sios bilong Papua Niugini (ELC-PNG) long putim ol toktok insait long dispela buk. Na Kristen Pres long Madang i prinim buk nai wok long salim i go long olgeta pau. Yu ken baim dispela buk long bukstua i stap klostu long yu. Na yu ken raitim pas i go long ELC-PNG, Gutnius Dipatmen, Box 80, Lae. Em bai ol i salim buk i kam long yu. Pe bilong buk em K1.50 tasol.

Ol toktok insait long dispela buk em i Tok Pisin tasol na em i isi long ritim. Na em i gutpela helpim bilong ol manmeri husat i wok wantaim ol "yut" long ples na long skul tu. Na toktok bilong dispela buk i sut stret long sampela het tok i stap daunbilong:-

1. Bilong Wanem Yumi Mas Wok Wantaim Ol Yangpela? 2. Wok Bilong Yu I Mas Sut Stret Long Wanem Samting? 3. Rot



Bilong Kirapim Wok. 4. Yut Lida na Wok Bilong Em 5. Program Bilong Wok 6. Trening Bilong Ol Lida 7. Baibel Kem na Yut Rali. 8. Arapela Kain Samting olsem:-

(a) Soim piksa olsem wanem? (b) Rot bilong yusim dupliketa masin (c) Rot bilong kirapim bukstua na salim ol buk (d) Konsent (e) Sampela rot bilong painim mani long strongim wok (f) Lista bilong ol arapela buk long lusim. Namba wan wok bilong dispela liklik buk i gat tupela bikpela hap bilong en:- 1. Helpim ol yangpela manmeri i save long Jisas husat i Bikpela bilong ol, 2. Helpim ol yangpela manmeri i bihainim Kristen pasin na mekim wok long strongim Sios.

## Sande lotu

Frank Mihalic

3 SANDE BILONG YIA 22 JANUERI 1984

WANPELA fama i gat tupela bulmakau. Em i nogat banis bilong kalabusim tupela, olsem na em i kisim hap baklain na i pasim tupela kau wantaim. Wanpela maus bilong baklain i raunim nek bilong wanpela kau, na narapela maus bilong rop i holim poroman bulmakau. Orait, nau tupela i kaikai gras i stap. Na tupela i no inap ranawe, long wanem, oltaim wanpela i pasim narapela.

Nau fama i kamap na i karim tupela baket wara i kam. Em i putim wanpela baket long hap bai wanpela kau i ken dring, na em i putim narapela baket longwe long narapela hap, bai narapela kau i ken dring - na tupela i no ken pait long wara.

Fama i go pinis, nau bikpela pait moa i kirap namel long tupela bulmakau. Wanpela i pul i go long hapwara bilong em, na narapela i pul i go long narapela hap. Tupela i mekim mekim, na klostu baklain i laik bruk. Tupela i tuhat pinis, na i sotwin olgeta, na lek bilong tupela i gumi pinis... Nau tupela i slip long graun i kisim win i stap. Na nek bilong tupela i krai long dispela tupela baket wara....

Nau wanpela bulmakau i tokim poroman bilong em olsem: "E, poro, bilong wanem na yumitupela i bagarap long pait pait tasol? Yumi pait pait na yumi no kamap long wara yet. Maski. Yumi mekim olsem: pastaim yumitupela wantaim i go long baket bilong mi na yumitupela i putim nus i go daun na dringim wara. Bihain wara i pinis, orait, yumitupela wantaim gen i wokabaut isi i go long baket wara bilong yu, na dring wantaim na pinisim laik wantaim."

Olaboi! Tupela i mekim olsem. Nau tupela i bel isi na tupela i pulap long gutpela wara, na tupela i kaikai gras i stap....

Dispela pasin bilong pait pait na kros kros em i pasin bilong olgeta manmeri long olgeta kantri bilong graun. Long rit bilong Baibel tude (1 Korint 1: 10-13) Sen Pol i pairap long ol nupela Kristen long dispela biktaun Korint. Ol i bruk hap hap. Wanpela lain i strong long bihainim Pol. Narapela lain i bihainim Klowi.

Na narapela gen i bihainim Pita.

Sen Pol i krosim ol na i tok, ol i mas pasim tingting long wanpela kain tok. Na em i tokim ol tu: yupela i mas samapim bek ol hul yupela i bin wokim long gutpela klos bilong Sios, mama bilong yupela.

Tude yumi save kros pait nabaut long ol kain liklik samting. Papamama i pairap long ol pikinini. Ol manki i kros long papamama. Tisa i belhat long ol sumatin. Ol sumatin i no laikim tisa. Bosman i les long ol wokman. Ol wokman i bel kaskas long hetman bilong ol. Ol sitisen i kros long Gavman, na Gavman gen i putim olkain hevi long ol sitisen. Maritman i paitim meri bilong em, na meri i go brukim olgeta sospen. Trak i bagarapim wanpela pasindia, na lain bilong em i singaut long pe. Sapos nogat, bai pait i kamap....

Yu lukim! I no long taim na ples bilong Sen Pol tasol i gat kros na pait namel long ol gutpela manmeri. Nogat. I gat hia tu. Na ol dispela kain pait na kros na belhat na bekim, i wokim bikpela hul long klos bilong Sios bilong Jisas. Na yumi mas samapim bek ol dispela hul... Tasol bilong samapim, tupela hap bilong laplap i mas kam bek klostu klostu, bai nil o masin i ken pasim bek tupela hap gen.... Na bihain dispela ples i samap bek, em bai moa strong olsem bipo. Bai klos i no inap bruk long dispela hap gen. Nogat. Em bai bruk long narapela hap.

Dispela pasin bilong bringim tupela hap laplap i bruk i kam klostu klostu gen, em i givim liklik skul long yumi olgeta long taim yumi bruklain na i pait na i kros. Namba wan samting, yumi tupela sait bilong pait i mas kam klostu klostu na bung wantaim. Olsem tasol na yumi inap pasim tok na pinisim kros. Yumi mas mekim olsem tupela bulmakau long stori. Tupela i sindaun wantaim, na tupela i wok wantaim, na tupela wantaim i win.

Sen Pol i laik tokim ol Korint olsem: Yumi no ken pait. Yumi olgeta i brata tasol. Yumi olgeta i bilong Jisas tasol. Olsem na yumi mas pasim tingting isi.

# Tupela Pisin Bilong Kilim Man



**BIPO, bipo tru long taim bilong ol tumbuna long ples Werman klostu long Wewak, Is Sepik Provins, i bin i gat wanpela diwai i stap namel long tupela ples. Em long Werman i stap antap na Werman daubilo.**

Na long dispela diwai i save i gat tupela pisin i stap olgeta taim. Nem bilong dispela pisin em long tokples em Gawi.

Tupela pisin i save sindaun was gut tru long ol manmeri na pikinini bilong tupela ples ya. Na long taim ol i lukim ol manmeri na pikinini i lusim haus bilong ol na wokabaut i go, tupela i save flai i go daun an hukum ol na karim i go antap long diwai.

Na bihain long ol i kaikai mit bilong man pinis ol i save larim tasol bun bilong ol man i pundaun i go i stap long a bilong diwai.

Daunbilo long as bilong dispela diwai i gat wanpela raun wara i stap. Na ol pipel bilong tupela ples ya i nogat rot long go klostu long dispela diwai na i go antap na kilim tupela pisin.

Wanpela nait nau ol man bilong tupela ples i sindaun bung long bikpela haus boi na traim tingting na toktok long painim rot bilong kilim indai tupela pisin ya. Sapos ol i no painim wanpela rot em bai tupela pisin i pinisim olgeta pipel i stap long dispela ples.

Orait tupela man i tokaut olsem tupela bai i go antap long dispela diwai na kilim indai tupela pisin ya. Ol man long ples i lap long dispela tingting bilong tupela man ya. Long wanem diwai ya tupela pisin i save sindaun long en i no manki em i draipela tru. Na i longpela i go antap tru long ol klaut. Na as bilong diwai i bikpela tru na man nating i no inap long go antap long en.

Em nau wanpela de ol man long tupelaples wantaim i go nabaut long bus na gaden long painim kaikai.

Long apinun ol man i pinis wok na kam bek long ples. Na ol i lukim tupela i sapim kundu i stap. Ol i askim tasol tupela man ya i no toktok. Tupela i stap isi tasol na pinisim olgeta wok bilong dispela bikpela kundu long dispela de.

Bihain long tupela i pinisim kundu ya, tupela i tokim ol man bilong ples olsem bai tupela i go insait long dispela draipela kundu. Na ol man bai karim kundu ya i go putim long ples klia we tupela pisin ya inap lukim.

Dispela nait yet tupela i kukim yam bilong tupela long long dispela diwai na i go antap na kilim kundu. Na ol man long

ples tu i no slip. Ol i bung na givim stori long tupela man.

Klostu moning taim kakaruk i kra i na tupela man i go insait long bikpela kundu. Wanpela man i putim het bilong em i go long wanpela maus bilong kundu na narapela man het bilong em i go long narapela hul bilong kundu. Tupela i karim tu tupela stik bilong paitim garamut.

Taim tupela slip gut tru insait long kundu. Em nau ol man i pasim tupela tingting bilong kundu long draipela sel bilong kokonas.

Ol i karim kundu wantaim tupela man i go putim namel stret long ples klia tru. Ol i mekim dispela wok long hap nait yet. Long wanem sapos tulait olsem em bai tupela pisin i pinisim gut tru tupela man ya.

Tulait bruk nau na tupela pisin i flai i go daun na hukum stret bikpela kundu na karim i go antap long diwai. Ol arapela man i lukim dispela taim ol i sindaun hait i stap. Ol i surik olgeta na pret i stap.

Tupela man i pilim pinis olsem tupela i stap antap long diwai nau. Tupela i wet tasol i stap long tudak i kamap na bai isi long tupela i kilim indai ol pisin ya.

Tupela i slip i stap na long taim ol i hangre ol i kaikai dispela ol yam i stap insait long kundu. Nait nau tupela pisin Gawi i slip klostu tru long sait bilong kundu i stap.

Isi tasol tupela man ya i opim ai long kundu na i go ausait wantu tasol. Ol pisin i no moa tingting. Tupela i mekim save long

pulim win na lip indai olgeta.

Tupela man i kisim tupela stik bilong sutim garamut naoli givim hatwan tru long ol pisin. Na wanpela Gawi i pundaun i go daun longples we tupela meri i wasim saksak i stap.

Na arapela pisin i pundaun i go daun long as bilong diwai. Em nau tupela man i stap antap long diwai singaut i go daun long ol man long wokim lata na bai tupela i go daun. Ol man i amamas tru na wokim longpela lata tru.

Tupela man i go kamap long graun na tokim ol man long ples we pisin i pundaun. Ol i kisim dispela pisin. Bihain ol i go painim narapela. Ol painim i go kamap long hap o tupela meri i wasim saksak i stap. Tasol tupela meri i kisim pinis pisin na haitim long lip bilong saksak. Na tupela i giamanim ol man olsem tupela i no lukim pisin ya.

Ol man i painim i go i go na nogat tru. Na ol i save olsem tupela meri i haitim. Ol i belhat na kilim indai tupela meri ya. Na blut bilong tupela meri i go daun long liklik wara na i tanim kamap olsem wanpela pis mipela save kolim kavi.

Ol man i painim gras bilong pisin Gawi na blut bilong em i go namel long ol lain saksak na painim pisin i stap namel long ol lip morata bilong saksak em tupela meri i bin haitim long em.

Ol i kisim pisin ya na karim i go long ples. Na bl pipel bilong tupela ples Werman wantaim i bung na mekim bikpela kaikai tru long tupela man i




kilim indai tupela pisin ya. Long wanem planti yia tru ol i no save wokabaut amamas long dispela hap we dispela diwai i stap long en. Ol i bin save pret long dispela tupela pisin tasol.

Nau i gat mak we dispela diwai i bin sanap long en long ples Werman. Na lain saksak i sanap yet we ol i bin kilim indai tupela meri ya. Sapos yu askim ol lapun bilong ples Werman bai

ol i stori na soim yu dispela ol hap tu.

Jack Lapui  
Woks na Saplai  
P.O. Box 106  
Wewak, ESP.

**Peking, Saina 8 Januери** — Misis Imelda Marcos, (meri bilong Presiden bilong Filipin) i sindaun toktok wantaim eking Premia Wang Li bilong Saina long taim em i bin go lukluk raun long Saina. Misis Marcos i bin paitim toktok wantaim ol lida bilong Saina long lukim sapos Saina inap baim mani bilong kantri bilong em



**Brasil — Saut Amerika 5 Januери** — Ol yangpela manki ya i bin kukim dispela ka bihain long draiva bilong ka na 3-pela arapela draiva i bin baimim 3-pela man husat i wokabaut long rot. Tupela bilong ol dispela man i bin dai.



**Wes Nu Briten Wokim**

**Bot Bilong Kupiano**

**Fiseris Divisen bilong Dipatmen bilong Prameru Industri long Kimbe, Wes Nu Briten Provins bai wokim wanpela bot bilong Kupiano Fiseris Stesin, Sentral Provins.**

Ol i stat long wokim dispela bot long Fraide, 6 Januери, 1984. Na olgeta wok bai pinis insait long 8-pela wik tasol.

Woksap bilong Fiseris Divisen long Kimbe i winim kontrak long wokim dispela bot i kos olsem K5,850. Longpela bilong bot bai kamap samting olsem 23 mita. Na em bai ron long strong bilong wanpela 22 hos pawa inbot disil moto.

Dispela bot i bilong vusim na pulim pis long solwara, olsem na bai ol i putim bikpela bokis ais insait long en. Dispela bokis ais bai


karim samting olsem 252 kilogram ais.

Menesa bilong Fiseris Divisen long Kimbe, Mitsa Chris Mee i tokaut olsem ol i yusim piksa bilong wanpela bot kampani bilong Kwinslan, Australia na wokim dispela 23 mita bot bilong Kupiano. Tasol em i no tokaut long hamas hevi bilong pis bai bot i ken karim. Taim ol i wokim bot pinis, bai ol dispela wokman bilong Kimbe i ranim bot long solwara i go kampa long Kupiano. Ol i ting bai bot i kamap long Kupiano bihain long 9-pela de.

Mista Mee i tok, 'Nau mipela i stat long wokim dispela liklik bot bilong painim pis. Na mi bilip bai mipela i go het long wokim bot bilong olgeta Fiseris Stesin insait long PNG. Bikos dispela bisnis bilong painim pis na salim i ken pulim bikpela mani.'



**London — Englan 6 Januери** — Ann Medhurst i pinisim draipel mama bilong kek ol i mekim long selebretim betde bilong Elvis Presley long 8 Januери. Bikpela bilong dispela kek em inap long 7 fit na hevi bilong en inap long 200 paun. Bai ol i salim ol dispela hap kek long kism mani long helpim ol tarangu.



**Peking — Saina 8 Januери** — Olgeta yia planti handet pipel bilong Saina i save bung na swim long ais wara stret long raunwara long Peking. Long dispela taim ples i kol tru na wara ya i olsem ais wara stret.



**Karachi, Pakistan 6 Januери** — Ol yut grup i protes long soim olsem ol i no amamas long ol marasin nogut em ol man i save salim long kantri. Ol lain ya i laik gaeman i kilim indai ol pipel husat i wok long salim dispela ol marasin. Lida bilong kantri, Jenerel Zia-Ul-Haq tu i bin tok olsem nau planti ol yangpela pipel long Karachi i wok long baim ol dispela marasin nogut.



**Ampil, Kembodia 7 Januери** — Ol sapota bilong Son Sam husat i egenim ol Komunis i wok long mekim save long hamam wanpela giamanman ol i mekim long gras. Dispela i soim belhat bilong ol long ol lain Komunis.



**Poissy, Frans 5 Januери** — Ol wokman long Talbot kan faktori i bin straik na dispela man ya i belhait long ol wanwok bilong em husat i no laik stapwok na em i wok long sut long katapel ol plisman i bin tok 55 pipel olgeta i bin kism bagarap.



**Honolulu, Hawai 7 Januери** — Premia Zhao Ziyang bilong Saina i tromoi han long ol manmeri long taim em i bin go lukluk raun long Ploimesta Senta long Honolulu.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.